

Universitätsbibliothek Paderborn

**D. Ioannis Ivsti Lanspergii Carthviani, Natione Bavari,
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Pars IV. Continens in se varia exercitia & precationes pro virtutum
infusione castigationeq[ue] vitæ in vitijs transactæ.

[urn:nbn:de:hbz:466:1-45928](https://nbn-resolving.de/urn:nbn:de:hbz:466:1-45928)

PHARETRÆ DIVINI AMORIS

Libri Primi Pars IV.

Continens in se varia exercitia & precatio[n]es pro virtutum infusione, castigatione que vitæ in vitijs transactæ.

Pro fide, spe, & charitate precatio.

PEr ineffabilem misericordiam tuam obsecro te misericordissime Domine Iesu Christe, infunde animæ meæ fidem simplicem & rectam, spem firmam, & charitatem ignitam atque perfectam, ut à cunctis erroribus & peccatis liber, intellectum meum in captiuitatem obedientiæ tuae Ecclesia tradam, atque omnem cogitatum meum in te projiciam, totumq[ue] me tuæ prouidentiæ credam: nihil ad creaturas respiciens, sed in cunctis paternam, amorisssimam, atque fidelissimam cordis tui curam & pietatem erga me intelligens, de manu tua omnia accipiam, pro omnibus te laudem & gratias agam, & in beneplacitum tuum totum me semper resignem, offeram & expendam, Amen.

Pro fide, spe, & charitate ad Patrem, precatio.

BEnignissime Domine Deus Pater, cum nulli obtinendæ salutis spes sine Theologicis virtutibus fide, spe & charitate reliqua sit, supplico excellentissimæ Majestati tuae, filij tui amantisissimi intercedentibus meritis, ut rectram, synceram, viuam illuminatamq[ue] interiori animæ meæ fundo, infundere digneris fidem, cuius virtute omnes meæ cogitationes cum intima tui fruitione in te subleuentur: spem item firmam atque securam, qua intellectus meus in virtutis tui claritate difatetur: charitatemq[ue] ignitam, per quam voluntas mea imperfecta ac instabilis in te omnium creatore firmetur atque solidetur.

Pro dilectione Dei, proximi atque inimicorum, precatio.

AMANTISSIME Domine Iesu Christe, qui dilexisti nos & lauasti nos in sanguine tuo, dulcis Iesu, qui dedisti in mortem animam tuam pro nobis, & cum sceleratis reputatus es, vulneratusq[ue] propter iniquitates nostras & attritus propter scelera nostra. Disciplina enim pacis nostræ super te, & liuore tuo sanati sumus. Per hanc charitatem & ineffabilem misericordiam tuam obsecro te, infundendi meo gratiæ tuae inextinguibile lumen, quo simul ardeat in me iuge incendium tuæ charitatis, ferueat, operetur, & crescat in me semper castissimus ac indeficiens affectus miserationis, compassionis, benevolentiæ ac pietatis, qui ad omnes creatureas tuas tui amore & contemplatione se effundat, & nihilominus inauertibiliter tibi semper inhæreat.

Amantissime Iesu, reple quæso animam meam, omnes sensus, vires, actus & affectus meos perfectissima, syncerissima, feruentissima, fidelissima atque perpetua charitate, ut te ex toto corde meo diligam in omnibus & super omnia: in te vero & propter te omnem proximum syncerissimè atque perfectissimè, secundum beneplacitum tuum. Dulcis Iesu, da mihi ut honorem tuum & animarum salutem ardētissimè

Apoc. 1. v. 5
Ila 53. v. 5.
& 12.



tissimè sitiam, quæram & promoueam. Da mihi, ut omnium hominum salutem, profectum & commodum atque consolationem ex toto corde diligam, quæram, & promoueam ad gloriam tuam.

Misericordissime Iesu aufer à me omnem amaritudinem, liuorem, iram, malum rancorem, indignationem, suspitiones, inuidiam, & quicquid syncerissimæ charitati aduersatur, ut de omnibus hominibus in simplicitate cordis benè sentiam, neminem temere iudicem, vniuersos piissimè dulcissimò affectu cordis in te diligā, & quomodounque tibi placuerit miserationis, beneficentie, dulcedinis, benignitatis, atque dilectionis affectu verba & beneficia, cunctis, maximè autem illis, qui mihi iniurias aut molestias intulerunt, toto corde impendam.

Piissime Iesu, da mihi, ut diligam omnes inimicos meos perfectissimè non verbo aut lingua tantum, sed opere & veritate. Dulcis Iesu, omnem acceptionem personarum longè fac à me, ut in omni creatura purè te diligam, & tui imaginem in omni homine honorem, Amen.

Pro diuina proximiq; charitate, precatio.

A Mantissime Domine Iesu Christe infunde cordi meo perfectissimam, perpetuam atq; ardentissimam charitatem, quæ omnem à te alienum amore, omnes virtuosos affectus, omnes inordinatos animi motus, omnem liuorem, amaritudinem, iram, odium, & quicquid diuinæ charitati aduersatur, in me occidat atq; radicatus euellat.

Dulcis Iesu, per immensam charitatem, quam ad nos habes, obsecro te, reple me hac eadem diuinissima virtute: & largire mihi ut nunquam inueniatur in me quidquam quod hanc à me exturbit. Absorbe me ignita vis dilectionis tuz, ut in te & propter te diligam proximum meum sicut meipsum, & sicut tu dilexisti nos. Te verò amem Deus meus, lumen oculorum meorum, consolatio, refugium ac dulcedo animæ meæ, propter temeripsum in omnibus & super omnia, Amen.

Pro diuino amore, precatio.

E la rubens rosa flagrantissimæ charitatis Domine Iesu Christe, obsecro te per virtutem illius amoris, qui tuam nobilissimam animam à tuo corpore separavit, da mihi amorem, qui me totum liquefaciat in memoria præiosæ ac amoris mortis tuz. Da amorem dulcis Iesu, qui me tecum vniat inseparabili & felicissima vniione. Eia Iesu meum desiderabile bonum, da ut tua saluberrima mors viuificer me ad vitam planè laudabilem, in tua amoroſa mortis compensationem. Eia Iesu amantisime, da mihi intentionem, quæ in omnibus te querat & super omnia laudet, da mihi deuotionem indeficientem, quæ tuam semper & in omnibus desideret atq; perficiat laudabilissimam voluntatem, Amen.

Pro diuino amore, precatio.

Transfige dulcissime Iesu Christe medullas animæ meæ suauissimo ac saluberrimo amoris tui vulnere. Perfora & configa omnia viscera animæ meæ, vera, superna, igneaq; charitate, ut languageat & liquefiat anima mea semper castissimo amore, vchementissimò tui desiderio. Cōcupiscat te Saluator ē suum & deficiat in atrijs tuis Domine. Non delēt eam vltius huius fallacis mundi vanitas, non eam villa prosperitas eleuet, nec aduersitas conturbet. Tu Domine sis illi diuitia &

e 2 gloria,

gloria, tu gaudium & consolatio, tu requies & voluptas, tu refugium & firmū præsidium. In te radicata non errabit, in te manente, fructum multum feret quia sine te nihil boni præstare potest, Amen.

Pro incremento divini amoris, precatio.

Domine sancte Pater omnipotens æterne Deus, propter tuam largitatem, & filii tui, qui pro me sustinuit passionem & mortem, & per matris eius Virginis gloriæ sanctitatem, atq[ue] B. Brunonis & omnium sanctorum tuorum merita, concede mihi vilissimo peccatori & omni beneficio tuo indigno, vt te solum diligam, tui amor semper ferueam, tuum honorem semper sitiam, beneficiū passionis Filij tui continuè in corde meo habeam, meam misericordiam recognosciam, & ab omnibus conculcari & contemni appetam. Nihil me afficiat nisi tu, nihil me confortet nisi culpa, Amen.

Pro illuminatione mentis ac ebrietate amoris Dei, precatio.

Oriens splendor lucis æternæ, & sol iustitiae, veni & illumina me cognitione misericordiæ tuz & misericordiæ meæ. Fac in me vitium desperire, & omnis boni germin oriri. Per desiderium quod ab æterno habuisti ad nostram redemtionem, trahe omne desiderium meum in te per vinculum amoris, quod te traxit de sinu Patris in germium matris. Da vt inebriet me ignita & melliflua vis amoris tui, quæ me faciat omnium terrenorum funditus obliuisci præ magnitudine amoris: adeò, vt sicut flamma ardens totus ardeam tui desiderio, quod nulla creatura possit extinguere, Amen.

Pro diuini honoris Zelo contemptu, rerum pereuentium, precatio.

Bone Iesu, fac vt totis medullis & omnibus viribus amem te, summe timeam & reuerear. Fac me pro omni honore tuo fortissime zelari, ita vt omne opprobrium tuum, tanquam gloriæ tuz zelo typus, vehementissime exhorrescam, mei contemptum diligam, & mundum cum omnibus quæ transitoria sunt tui amore contemnam. Amen.

Pro anime mystica facietate, precatio.

Auctor ardentissime dulcis Iesu, da vt anima mea te solum esuriat panem Angelorum, refectionem animarum, panem nostrum supersubstantialiæ habentem omnem dulcedinem, saporem atque omne delectamentum suanitatis, te inquam, in quem desiderant angeli prospicere semper esuriat & comedat anima mea, & dulcedine saporis tui repleantur omnia interiora mea. Te fitiat semper fontem sapientiæ, fontem æterni luminis, fontem virtutum, torrentem voluptatis, vberatatem domus tuz. Te semper ambiat, te querat, te inueniat, ad te tendat, ad te perueniat, te meditetur, te loquatur & omnia operetur in laudem & gloriam nominis tui cum humilitate & discretione, cum dilectione & delectatione, cum facilitate & affectu, cum sancta perseverantia usque in finem, Amen.

Pro unione anime cum Deo, precatio.

Iesu Christe corona æternæ iucunditatis, per gaudium quod in passione tua sanctissima anima tua habuit de humana redemptione, obsecro te, intrahe in te cor meum & animam meam, vt extra te nunquam in aliqua creatura valeam vel ad momentum delectari. Concede mihi o suauissime Domine Iesu vt omne desiderium

rium



rium & gaudium meum, omnis amor & delectatio mea nusquam tendat, nullibi sit, nusquam requiescat præterquam in te solo Domino Deo meo. O Domine, tu solus es vna spes & consolacio mea, præsidium & requies mea, vita & salus indeficiens ac sempiterna, Amen.

Pro vranimitate cunctorum fidelium, precatio.

Iesu redemptor omnium benignissime, exuberantissime fons omnium gratiarum, inclita proles summi Dei, benedicant te omnia quæ in celo sunt sursum, & quæ in terra deorsum. Quæsumus illo igneo stolidio charitatis & miserationis tue, purga, innoua, illumina, inflamma, exhila, confirma & vni corda credentium tibi, ut vnum sint, vnum sapient, vnum vranimenter requirant & apprehendant, videant & benedicant te Deum Deorum, Amen.

Pro integritate sanctimoniacæ, cordis, & virtutum omnium perfectione, precatio.

Beneignissime Domine Iesu Christe, amabilissime sponsæ virginitatis, amator castitatis, qui verbo & exemplo mundum erudiens, celestem in carne vitam, hoc est, castam atque virginem docuisti, nec ab alia matre quam virginem cōcipi ac nasci voluisti, qui que sanctissimas virgines Catharinam, Barbaram, Ursulam N.N. atque alias innumeratas ad sui contemptum, ad cœlestis thesauri, id est, virginitatis cultum, ad tui denique amorem ac desiderium adeò roboraisti, ut malgent corpora sua varijs poenis aceriam morti tradere, quam aut amissa virginitate felicem pollui, aut immundis amoribus abs te alienari. Obsecro te per omnes miserationes tuas, per immensam tuam ad nos charitatem, per passionem & vulnera tua, per liuorem, dolores, & sanguineas guttas, libera & præserua me ab omni carnis peccato. Da mihi perfectam castitatem mentis & corporis, & sine qua castitas præseruari non potest, temperiam atque in cibo potu, discretionem. Infunde mihi humilitatem, mansuetudinem, patientiam, mititatem, benignitatem, simplicitatem, puritatem, resignationem, charitatem & reliquas virtutes omnes, quibus electissima dignissimæ mater tua, aliæq; virgines sponsæ tuæ tibi placuerunt.

Extingue in me omnem priuatum & mundi amorem, ut mundum, & quicquid in mundo est, ac meipsum totum tibi offram, dedicem atque in beneplacitum tuum ex toto corde resignem. Dulcis Iesu, absborbeat cor meum ignita & melliflua visamoris tui, ut ex toto corde meo te queram, sitiām, intendam, diligam, & benedicam in omnibus & super omnia, ut tibi semper inhæream, in te quietam & omne tempus vitæ meæ, omnesq; vires animæ & corporis mei, in gloriam, honorem & beneplacitum tuum, amando te iugiter expendam, Amen.

Pro virtutibus & imitatione vite Christi, precatio.

Iesu mansuetissime, obsecro te per mitissimum cor tuum, infundem huius ex eodem fonte salutari perfectissimam humilitatem, mititatem, patientiam, simplicitatem, castitatem, charitatem, ceterasq; virtutes omnes, ut tui amore cupiam, diligamq; nesciri, contemni, contumelias, & iniurias pati. Dulcis Iesu, fac me imitari vestigia sacrosanctæ virtutis & passionis tue in vera meipius abnegatione & ardentissima charitate. Vulnera cor meum iugi recordatione passionis tue, ut ratiū nesciam, quam te Dominum Deum meum pro me crucifixum. Hæc sit cogi-

tatio à me nunquam recedens, cor meum amore scindens, & intima anima pene-
trans, Amen.

Aspiratio sequens crebrius per diem, pro diuina charitate obtinenda, est repetenda.

Dulcis Iesu Deus meus, absorbeat me quæso ignita & melliflua vis amoris
tui, quæ penetret cor meum, purget & rapiat in te omnia interiora mea, ut
sicut flamma ardens, aut ferrum candens, tui amore semper ardeam, totus à
meipso deficiam, te verò solum cogitem, te solum desiderem, te solum sciam, te sen-
tiam, tibiq; soli inseparabiliter inhæream, Amen.

Pro Dei amore, ad Dei param Virginem Mariam, precatio.

O Puella speciosissima, moribus & virtute laetitonia quam maximè decorata,
ð virtutibus vernantibus odorifera, ac cunctis gratijs donisq; cœlestibus re-
pleta, vtinam tui me amore vulneres, & tui suauissima dilectio ita cordis
mei penetraria sanctiet, vt omnia mundi præsentis gaudia in nauseam mihi vertan-
tur. O virgo ex regia stirpe orta, atq; in Dei matrem ante mundi constitutionem e-
lecta, mei pauperis noli quæso despicere preces: sed quem tantum tui desiderium
capit, vt putet sibi bene esse sine te non posse, in tuam recipe gratiam, pliūq; tu-
um illi ostende vultum, ex cuius consideratione omnes desolati & molesti reficien-
tur. O gloriofissima atque misericordissima domina mea, vtinam in filium tuum
me adoptes, & exuberantissimam misericordiam tuam super me effandas, ab om-
nibusq; malis presentibus & futuris me protegas, suauissimo tuo cordi me costrin-
gas, & quicquid tibi in me displiceret procul repellas, quo sic tuam voluntatem ad-
impleam, & quæ obedientis sunt filii, incessanter perficiam, Amen.

Pro sanctificatione animæ & corporis ad beatissimam Virginem Mariam, precatio.

O Virgo gloriofissima & omni laude dignissima, mater Iesu Christi charissi-
ma, per omnia quæ beatissima Trinitas in te & sanctissimis membris tuis ope-
rata est magnalia, & per ineffabile illud gaudium quod in conceptu & partu
filij Dei sensisti, dignare de singulis membris tuis, dulcedine redundantibus, tanta
efficacia in me stillare gratiam tuam, vt perfundatur totum corpus & anima mea,
sanctificanturq; omnia membra mea, ita vt de cætero nunquam moueantur ad pra-
ua opera, sed feruant amori tuo cum latitia, & per amorem vivificantur, regan-
tur, roborentur, perficiantur vñque ad exicationem medullarum omnium oisium
meorum, Amen.

Pro cordis commutatione & perfectione ad B. Virginem Mariam, precatio.

Dulcissima Domina mea, facias quæso mecum fælicissimum cambium. Au-
fer à me cor meum pessimum, & fac cum illo sicut volueris, & da mihi pro-
illo cor tuum virginatum sanctum, perfectum, omni gratia & virtute plenū,
& in æternum benedictum; aut saltem dilectissima domina, da mihi cor aliud no-
num secundum cor tuum, humile scilicet, mansuetum, pacificum, castum, mundū,
quietum, & charitate Dei & proximi repletum, quod mundum & omnia, quæ in
mundo sunt veraciter contemnat, in tribulatione humiliiter gaudeat, si contemptum
diligat, Dei honorem sitiat, necessitatibusq; proximorum compati sciatis.
Amen.

Pro amore Dei & proximi ad B. Virginem Mariam, precatio.

Amabi-



AMabilissima virgo Maria, impetra mihi à filio tuo, vt occidat in me & auferrat omnes carnales, mundanas, priuatas, & creaturarum affectiones, extinguat in me omnia illicta desideria, omnemq; amorem inordinatum, & impleat cor meum castissimo, suauissimo ac feruentissimo tui amore, ardentissima & perfectissima charitate Dei & proximi.

Ad B. Virginem.

Ah vulnera cor meum dulcissima Virgo Maria, vt tui amore totus in ardescam & langueam, Deoq; charitate perpetua inseparabiliter inhæream.

Ah vtinam omnium transeuntium rerum & etiam meipius oblitus, nihil cogitem, nihil diligam nihil desiderem, nisi Deum & te dulcissimam Dominam mā sanctam Mariam, Amen.

Pro diuini amoris repleione ad B. Virginem Mariam, precatio.

ORegina colorum dignissima Dei mater virgo Maria, pauperculus ego homuncio obsecro te per singularem illam prærogatiuam præ cunctis mortaliibus tibi præstitam, vt, scilicet, voceris & reuera etiam sis Dei mater, Angelorum domina, cœli regina, hominumq; mediatrix, vt ex toto corde meo omnem tā carnis, quam mundi amorem atq; vanitates extirpes & euellas, repleasq; illud diuinissimi amoris tui, quo tu semper plena fuisti, balsamo, ita vt nil terrenum libeat, nilq; carnale mentem meam à cœlestium contemplatione, præpediat, Amen.

Pro diuina gratia illustratione, & virtutum quotidiano incremento, precatio.

OIesu candor lucis æternæ ac omnis boni origo atq; principium, obsecro te per tuam largifluam pietatem, misericordiam, & liberalitatem, illustra cor meū splendore gratiæ tue, & accende illud igne immensa charitatis tue, & fac ex eo tibi purissimum perpetuumq; habitaculum, in quo iugiter moreris, metq; secundum tuum beneplacitum regas ac gubernes. Et quia verè pauper & inops sum, omnibusq; bonis & donis tuis indigo, dignare quæso sanctissimis tuis virtutibus animam meam excolare & exornare, vt quotidie in' omni virute & vita sanctimonia proficiam, antiqui hominis fordes exuam, & te Domum meum, quies via per quam ad æternam vitam peruenitur, perfectè induam, perfectissimamq; tuæ humanitatis conuersationem in corde ac interiori animæ meæ fundo scribam, quatenus ex integro me relinquam, atq; omnibus creaturis ex vero amore te anteponam & præferam.

Ah pie Iesu vel iam tandem sufficiat mihi aberrasse à te, & in vitiorum meorum sordibus hæfisse, exulasse etiam tādiu à te in huius peregrinationis & exiliij tenebris.

Recipe obsecro vltro reuertentem ad te, vt corpore & voluntate de vitijs ad virtutes transiens, ad te, qui verè es terra sancta nobis promissa, & beatorum omnium in cœlesti patria commorantium satietas & beatifica visio, peruenire merear, Amē.

Pro sui humiliacione, precatio.

OIesu summa mea benignitas, per omnes tuas ignominias ac molestias, quas in tua passione pro mea salute sustinere dignatus es, te suppliciter oro, vt omnem à me animi tumorem profliges, concupiscentias & affectiones omnes rerum temporalium funditus occidas, mihiq; feruentissimum me abiciendi, contemndi, humiliandiq; desiderium tribuas, atq; sub omniibus creaturis cor meum superbum ac inflatum deprimas, Amen.



Pro humili subiectione, precatio.

O Infinita ac interminabilis bonitas Christe Iesu piissime, inspira & confirma in me spiritum bonum, qui me semper ad feruentiorem profectum inflammet: spiritum, inquam, veræ & perfectæ humilitatis, qui me dirigat, doceat, & informet, quomodo ex toto cordis affectu, sine aliqua cordis remururatione sub omniū pedibus, maximè seniorum & prælatorum meorum me subiçere, humiliare atq; inclinare, omnemq; proprium sensum relinqueret, & eorum ductum atq; iudicium sequi possim, quo tanto expeditius te Deum meum, qui vñq; ad mortem animam tuam humiliasti, per regiam humiliationis viam gratia tua adiuuante sequar, Amen.

Pro stultitia quadam laudabili, precatio.

O Iesu clementissime, ex intimis præcordijs te oto, vt me ad omnia quæ huius mundi sunt stultum facias, quatenus præter te nil sciam aut velim: vñq; in oculis meis totus sim vilis ac abiectus, nec ab ullo vñquam appetam honorari, sed magis despici atq; vt fatuus vilipendi, Amen.

Pro propriae vilitatis agnitione, precatio.

O Iesu superdulcissime, vñnam tuam profundissimam humilitatem cordi meo tam profundè inscribas, vt nulli superbiz motus in me locum inueniant, neq; me vñlli vñquam creature propter nimiam meam indignitatem & vilitatem comparare audeam, sed quasi omnium vilissimum atq; nouissimum ex animo omnibus substernam, omniumq; quos mundus contineat horriuum imperfectissimum ac infimum iudicem, Amen.

Pro sui vilipensione, precatio.

O Iesu desiderantissime, supplico quam deuotissime possum ardentissime tuæ erga me charitati, vt ad profundissimam humilitatis virtutem cor meū præparare digneris, tantoq; tui suauissimi amoris igne me succendas, vt omnia mundi blandimenta, omniaq; transitoria & meipsum totum propter te contemnam, nec vlla mundi aduersa, vel conuictant mihi probra pertimescam, sed totis viribus te per viam, despectionis & crucis opprobrii gaudens imitari desiderem, neq; (quod seculi huius amatoribus proprium est) doleam si alij mihi præferantur; imò vehementer contrister, si aliquis mihi honor à quoquam deferatur, Amen.

Pro humilitate, precatio.

I Esu Christe, amator & magister humilitatis, qui abiecta huius mundi eligis, vt fortia quæq; confundas: quicq; secreta tua abscondis mundi sapientibus, & renelas ea paruulis, apud quem etiam abominabile est, quod altum est hominibus: infunde cordi meo perfectissimam tibi q; acceptissimam humilitatem. Dulcis Iesu, qui dixisti: *Discite à me, quia misericordia & humilitas corde: doce me vt feruentissimo de fiderio optem, gaudensq; accipiam omnem humiliationem, vilificationem, atq; contemptum meipsius.* Extingue piissime Iesu in me appetitū omnem inanis gloria, vt ex toto corde meo cupiam gaudeamq; nesciri, cōtemni, vilis reputari, & opprobria pati. Eia pie Iesu, fac vt tibi soli placere cupiam & propter te nemini displace timeā. Fac vt propriæ vilitatem, miseriam, inconstantiam, prauitatē, & quam nihil sim verè cognoscam, & ex animo detestabilem me sentiam, atq; ab alijs sentiri cupiam.

Matth. ii

Matth. iii

cupiam. Iterum te obsecro per humilitatem cordis tui misericordissime Iesu, da mihi humilitatem spiritus, ut in me seruo tuo nihil vñquam de peste superbiaz auct vanaz gloriae inueniatur. Dulcis Iesu libera & custodi me semper ab hoc malo, quo- cunque modo illud me possit inquinare: quandoquidem tot bonae spei homines, & qui perfecti in gratia tua videbantur, ex hac peste perierunt, Amen.

Pro humilitate, Precatio alia.

HVMILLIME Iesu, qui in hoc mundo vilia, acerba, probrosa & ignominiosa pro me passus es, da mihi profundissimam humilitatem, da mihi abyssalem cognitionem meae vilitatis, qua contempleris simul altitudinem & bonitatem diuinaz tuaz Maiestatis. Attendam quanta beneficia mihi contulisti, quantam pauperitatem, pœnam & ignominiam sustinuisti pro me, hoc est, pro tam vili vermiculo terra & sordido puluere, tanta Maiestas, tanta Sapientia, tanta bonitas. Et quanta è diuerso facinora, quantam ingratitudinem quantum contemptum ego rependi? Hæc quæso dulcissime Iesu sint omni momento in oculis, in corde, & in continua cogitatione mea, videlicet, tua bonitas atque maiestas, & mea prauitas ac vilitas ut infatiabilis desiderio semper ardeam, & pro tui honore, & pro mei contemptu nihil me æstimans, nihil aliter de me sentiens, quam de vilissimo peccatore, & huius mundi omnium infimo atque nouissimo. & idcirco vilissima quæc ac nouissima eligam, omnibus creaturis indignum me sentiam, & de contemptu mei, atque iniurijs & molestijs ex toto corde gaudem.

Eia piissime Iesu exaudi me, & infunde mihi humilitatem quantam tu in me velles maximè tibi acceptram. Rogo te pie & exorabilis Deus per omnipotentem & piissimam bonitatem tuam, qua iustificas impios, & viuificas mortuos; qui multas peccatores & non sunt, ut non permittas dirissimam pestem superbiaz dominari, nec aliquatenus inesse seruo tuo.

Dulcis Iesu, obsecro te per humilitatem cordis tui nunquam veniat in animam meam, nunquam in aliquod membrum corporis, aut sensum animæ meæ, quod superbiam, arrogantiæ, propriam complacentiam, aut inanem gloriam vlo modo redoleat, Amen.

Pro patientia, Precatio.

O Agne mansuetissime Domine mi Iesu Christe, obsecro te per ineffabilem mansuetudinem, & per mitissimam patientiam tuam, quam inter omnes iniurias, persecutions, irrisiones & pœnas in teipso usque ad extremum vitæ punctum perfectissime exhibuisti, illustra cor meum gratia tua, & omnem amaritudinem, duritiam, iracundiam impatientiamq; in me mortifica, ut ad honorem acerbissimæ mortis tuæ, tuiq; amore æquanimiter, tranquille, ac desideranter suscipiam, libenter & hilariter sustineam omnem iniuriam, derisionem, confusionem, detractionem, persecutionem, pœnam, & quicquid triste, aut aduersum super me venerit. Omnia, dulcis Iesu, fac ut de manu prouidentiae tuæ, cum laude & gratiarum actione suscipiam, & mansuetissimo, mitissimo, patientissimo corde; imperturbabilem mentis tranquillitatem inter omnia tristia possideam, & adeò nihil eorum quæ patior ad cor recipiam, ac si non mea, sed pro rorsus aliena aduersitas esset. Rogo ergo te dulcissime Iesu, ut nullo odio, nulla amaritudine, nullo rancore gratia tua cor meum finat inquinari, sed dulcedinem, mansuetudinem, benignitatem, serenitatem atque perfectissimam charitatem ad omnes,

F

etiam



etiam inimicos & aduersantes mihi infundat atque confirmet. Infundé quæso mihi mitissimè Iesu ardentissimam charitatem, aff. & umq[ue] patientiæ quæcumque molesta & contraria pro te, quia tu tam molesta, tamq[ue] indigna passus es pro me. Da mihi tantam charitatem & patientiam, ut nullis passionibus aut molestijs ad- ed possim vñquam fatigari, quin maiora & grauiora semper desiderem pati, Amen.

Pro abnegatione & patientia in aduersis, Precatio.

Dulcissime Domine Iesu Christe da mihi misero peccatori crucem veræ pœnitentiaz feruenter amplecti, tua passionis vestigia imitari, atque per viam perfectissimaz abnegationis te sequi: ea quæ in mundo sunt blanda aut delebilia execrari, & pro tui amore quæcunque dura & aduersa deſiderijs fitibundis amplecti, Amen.

Pro mititate, Precatio.

OIesu mitissimè, qui stupendum & admirandum mititatis & patientiaz nō ois exemplum in tua paſtione reliquisti, ita vt ne vnum verbulum amarum omnibus inimicis & tortoribus tuis responderis, aut impatiencie aliquod signum demontraueris, da mihi misero veram cordis mititatem & mansuetudinem, ne vñquam in aduersis casibus frangar, aut repentina ira vel vlciscēdi paſſio- de permotus inimicis meis mala pro malis rependam. Tranſeat quælo Domine virtus amarissimæ paſſionis tuæ omnia interiora mea, atq[ue] ad omnem iniuriam, molestiam, contumeliam perferandam promptum me reddat. Da præterea mihi gratiam tuam ne humana pertimescam iudicia, neque proximorum meorum in- crepations indigno aut amaro recipiam animo, sed ſemper & ex animo optem, ab omnibus argui & reprehendi, quatenus hac occafione omnes superbiz & impa- tientiaz motus in me conterantur, meiq[ue] deſpectio & contemptus indies magis ac magis excrefcat, Amen.

Pro fortitudine animi in aduersorum perpeſſione, Precatio.

OIesu amabilissime, admoneo te illius ardentissimæ & admirandæ charita- tis, qua toties tuorum discipulorum corda es consolatus, & ad futuras ten- tationes, vexationes, & hominum malignorum perſequitiones benigne tol- Matth.10. lerandas præmonuisti, dicens: *Nolite timere eos qui corpus occidunt, animam autem occidere non possunt.* Item: *Non turbetur cor vestrum neque formidet.* Item: *Si me perfe- Joan.14. v.1. quuntur, & vos persequentur, dignare & me in omni aduersitate & malorum per- &c.27. pefſionem confortare & animare, ne succumbam, aut hostium importunitate aut ni- Joan.15. v.20. mnia malignitate à te Deo meo exturber, neūe hac ratione tuam gratiam haſtenus misericorditer mihi indultam amittam, mcq[ue] ipsum miserijs extremis inuolu- uam. Ah Iesu superducissime, qui ipſe in te expertus es, quād durum quād mo- leſtum & difficile fit sensualitati, aduersari, & hominum improborum improbos ſufferre mores, noli me obſecro in hac despicer hora, cūm vndique ingravant ten- tationes, foris pugnæ, intus timores & dæmonum callidissimæ ſuggiſtiones, car- nis quoque indomitæ illecebræ, & id genus alia: ſed pro ſolita tua pietate oculos tuos ad me conuerte, atque auxilium gratiæ tuæ mihi impende.*

Ah Iesu clementissime, en tibi ſoli, ab omnibus derelictus, omniumq[ue] charo- rum auxilio deſtitutus, conqueror, quod non valeam ultra, niſi cito ſuccurras, ho- ribus meis reſiſtere, neque eorum diutius ſuſtinere impetum. Adiuua igitur me

vix-



virtus mea, fortitudo mea & liberator meus in oportunitatibus, in tribulatione, ne separar à te. Suscipe, tene, & posse me refugium meum & misericordia mea. Omnia aspera tui amore fiant mihi dulcia. Detestor omnia mundi oblectamenta, detestationesq - xternas, quæ non sunt in te: & fastidiam quicquid tu non es, aut in te me non ducit. Intende in adiutorium meum. Aduitor meus es, ne derelinquis me. Deus ne elongeris à me, Deus in auxilium meum respice, Amen.

Psal. 49.
Psal. 26.
Psal. 21.

*Prop paupertate spiritus, & amoris rerum temporalium mortificatione,
Precatio.*

Dulcissime Iesu Christe, obsecro te per paupertatem & nuditatem tuam, qua dum diues es propter me egenus factus es, extra patriam natus, in exili. z Cor. 2. v.9
sum fugatus, sub paupere virgine tenuiter educatus, veste & cibo humili ac modico vsus, sine hospitio sibi in monte pernoctatus, de eleemosynis piorum hominum sustentatus, in passione tandem ab amicis derelictus, à discipulis derelictus, nudus crucifixus: atque adeò pauper, ut non haberes quo caput tuum spinis vulneratum reclinares, nec quo æstuantissimam fitim tuam refocillares. Sed & decore, robore, incolumente, forma, specie hominis, & ad extremum vita propter nos priuatus, in alieno sepulchro es positus.

Eia piissime Iesu, aufer à me mundi & creaturarum omnium inordinatum a-
morem, vt nihil extra te concupiscam, nulli creature inhaerem, nusquam nisi in
te requiescam. Da ut nihil mihi adscribam, nihil tribuam, nec in aliquo donorum
tuorum, sed in te bonorum omnium largitore gaudem, & tuam benignissimam
misericordissimamq largitatem erga me admirans & laudans, nil in omnibus do-
nis tuis nisi te cupiam, queram & intendam.

Christe Iesu amator paupertatis, qui vitam tuam in hoc mundo ab infantia us-
que ad mortem crucis paupertate consecrasti, illumina cor meum ad cognoscendā
& contemnendam omnium rerum temporalium vilitatem, instabilitatem, & de-
ceptionem.

O Iesu mi amabilissime, & ex millibus electe, qui nudus propter me, deformis
ac sanguine cruentatus pependisti in cruce, sis tu mihi preciosissimus vnicusq the-
saurus. Esto animæ meæ, cordisq mei societas contra omnium aliarum rerum
quæ extra aut sine te sunt, appetitum.

O desiderabilissime Iesu, pro vniuerso mundo quem tibi offero, & tui amore
relinquo, tibiq resigno, da mihi felicissima commutatione teipsum pauperem,
nudum & pro me crucifixum. Eia Iesu amabilissime & desiderantissime, præ om-
nibus te desidero.

O paupertas desideratissima, in Christo Iesu amatore sponsoq meo sublimiter
consecrata. Vtinam te præ omnibus rebus & delicijs mundi amicam & sponsam
accipere merear, Amen.

Eia Deus meus, da mihi omnium rerum temporalium præ tui amoris magni-
tudine obliuisci, & omnem gloriam, omnemq consolationem mundanam alper-
nari.

Domine Iesu Christe, da mihi tui amore in omnibus necessarijs corporis ino-
piam, tenuitatem, vilitatem, penuriam, priuationem & indigetiam ex toto corde meo
semper optare, querere, diligere & amplecti, & in vera discretione, patientia, per-
severantia, & gratiarū actione hilariter longanimiterq perpeti. O Deus meus, tol-
lantur

f 2 lantur

Ianctur mihi omnia, tu saltem remaneas mihi obsecro, tu me possideas vita mea, refectio mea, exultatio mea, quies mea & beatitudo mea, Amen.

Pro paupertate & charitate Precatio.

O Iesu fili dulcissime virginis Maria, obsecro te per omnem inopiam ac paupertatem tuam quam pro me in hoc miserabili exilio pati es dignatus, ut ab omniis rebus creatis mentem meam elonges, spiritumq; meum in te rapias & stabilias, ut nihil in hoc mundo aliud querara, quam quod ad simplicem nudamq; corporis & animae sustentationem mihi necessarium fuerit: nec quicquam appetam vel concupiscam, nisi te Deum meum super omnia & in omnibus diligere, ardenter & charitate insuperabiliter sine fine poscidere, Amen.

Pro paupertate alia Precatio.

O Iesu pauperrime, rogo te per exuberantissimam tuam pietatem, fac m^e semper & ubique tuæ amaræ potionis atque extremæ paupertatis in Crucifixu recordari, quatenus discam paucissimis & vilissimis esse contentus, neque delicata aut exquisita queram cibaria, quæ magis appetitum prouocent, quam famem extinguant. Sustineam præterea tuo exemplo libenter paupertatem, omniumq; rerum etiam necessiarum penuria, ac omnia carnis, obiectamenta ex integro & perfecto corde fugiam atque detester, Amen.

Pro perfecta obedientia Precatio.

O Perlucidum Obedientiae speculum, omniumq; virtutum forma absolutissima Christe Iesu amabilissime, cum alia via ad coelestes tuas mansiones non perueniat, nisi per simplicem ac perfectam mandatorum tuorum obedientiam: quippe cum omnes per protoplasti rebellionem ac transgressionem filij irascerimus effecti, da mihi obsecro intellectum, ut legem tuam diu nobisq; cum regio illo psalte David scruter, ac in toto corde meo illam custodiā. Deduc me ergo in semita mandatorum tuorum, quia ipsam volo, ipsam desidero, ad ipsam toto affectu aspiro & anhelo. Nam qui operantur iniquitatem, & prauis suis desiderijs carnalibusq; concupiscentijs obediunt, longe redentur a te, neque in vijs tuis ambulant. Non intret in Concilium eorum anima mea Domine Deus meus qui dicunt: Recede a nobis, scientiam viarum tuarum nolumus, quia contrarius es studijs nostris, & via tua inique sunt.

**Psalmus 118.
Job 21. v. 14.**

Ah pie Deus, afflictorum solamen & errantium reductor, ne in finem usque errare me sinas a te: sed iugo sanctæ obedientiæ subiace humeros meos & cervicem meam durissimam. Sit tibi anima mea filia Sion, cui in pace aduenias, quamq; circa omni benedictione eximiæ charitatis tuæ ingrediaris, inhabites & possideas: in qua omnes actus meos dijudices, passiones refrenes, viresq; animæ meæ pristinæ integratius restituas, quæq; agenda & vitanda sunt edoceas. Fac me etiam verè subditum Vicarijs tuis in omnibus, quæ ad tuam spectant gloriam, & ad animæ meæ salutem. Illumina quoque oculos meos internos, ne a sancta fide Catholica unquam desciscam; aut S. Ecclesiæ instituta, Patrumq; antiquorum sanctiones despiciam, aut peruersorum corruptorumq; hominum persuasionibus me seduci unquam permittam, Ames.

Pro



Pro sensuum viriumq; animæ reformatio Preatio.

Iesu Christe patientissime, deprecor te per tollerantiam omnium intollerabilium tuorum cruciatuum, quos Crucis confixus in tuis sacratissimis pertulisti sensibus, ut sensus meos omnes custodire & reformare digneris, eosq; in temeritatem intrahere, atque in vulneribus tuis mellifluis includere, quatenus nihil videam, nihil cogitem, nihil intelligam, nisi te. O Iesu piissime, auerte oculos meos ne videant huius mundi vanitates, ne concupiscentijs aut alijs prauis desiderijs irritiantur anima mea. Sepi etiam aures meas ipinis timoris tui, ut verba scurrilia, vana, detractoria, audire horream ac detester. Oderatum meum reprime, ut viriliter carni oblationem inordinatam ingerentia, à me rejeiciam. Gustum meū fellio potu quo in passione tua potatus fuisti, ciba, quo extra te nil petam gustare, neque quicquam in cibo vel potu queram quam simplicem necessitatem. Tactum meum custodi, ne quid in me vel in alio tangam, quod carnis possit prouocare voluptates. Postrem te rogo, ut singularem gratiam mihi infundas, ut omnia membra corporis mei, omnesq; vires animæ meæ in tuo diuino seruitio cum intensissima charitate, profundissima humilitate, perfectissimaq; obedientia expendam, omniaq; bona mea opera cum gratiarum actione in te refundam à quo effluxerunt, nec quicquam illorum mihi vñquam attribuam. Amen.

Pro mandatorum Dei impletione, Preatio.

O Iesu Doctor ac Magister fidelissime omnium in te credentium, qui amantissimis tuis discipulis precepta & consilia saluberrima pietate & religiosè viendis tradidisti, viamq; per quam ingredenterur clarè demonstrasti, atque eorumdem mandatorum tuorum transgressoribus æterna es minatus supplicia, patetq; coelestis exhortationem, supplex te rogo discipulorum tuorum infimus, ut & mihi misericorditer viam, per quam ab æterno me ambulare decreuisti, manifestare digneris, & gratiam specialem mihi infundas, qua tuæ diuinæ, & mihi sapientiæ incognitæ voluntati inhæream fixusq; maneam, atque precepta tua ex corde & animi strenuitate perficiam, semper in hoc intendendo, ne quid minus quam tu à me desideras, agam. Deuitem quoque omni conatu, quo possum, ne quam in preceptis tuis ac diuinis consiliis transgressionem admittam, ut aut te ad iracundiam prouocem, aut mandata tua transgrediens prævaricantium penam incurram. Adhuc, mihi diuina tua virtus, quæ me in omnibus vijs tuis confortet atq; corroboret, ipissimamq; mihi veritatem intus infundendo animæ meæ plenæ atque integrè edoceat, vijs ad tui sanctissimi nominis honorem, cum tuis electissimis, discipulis fructus honorum operum locupletissimos, tanquam bonorum omnium autori, humili corde pioq; affectu offerre valeam. Hoc vero cum tu summè desideres, & à meipso solo præfite non possim, ad te dulcis Magister, rudit & ignorans discipulus humiliter accedo, sanctissimæ humanitatis tua vestigijs me quam humilime prosterno, obnixè cum beatissima tua amatrice Maria Magdalena, quem inde gratiam & indulgentiam haufit, orans, ut meorum operum imperfectionem tuis sanctissimis operibus perficias, eaq; tibi ipsi perfectissimo modo offeras, omnianq; ignoraniam & cæcitatib; velamina penitus ab oculis meis interioribus auferas & abstrahas, ut te viam veritatis, & beatæ vitæ ianuam tanto lucidius cognoscam & mandata, consilia, & monita tua, item internas inspirationes ac allocutiones obseruem, ad laudem & gloriam tuam, & ad salutem animæ meæ, Amen.



Ioan. 19.
V 10.

Benignissime Domine Iesu Christe, Saluator & redemptor humani generis, ac
impositum, scilicet nostræ redemptionis opus, quod multis cum laboribus
incepisti, & cum maximi doloribus perfecisti, ac tandem totius passionis tuæ
consummationem Patri tuo in summa obtulisti, dicens: *Consummatum est. Benedic-*
tum sit Domine ex hoc nomen tuum sanctum, quia ad hoc consummasti, vt nos
simus in bono consummati, & inimici nostri consumpti. Rogo ergo te humiliter
da mihi mandata tua perficere, in eis usque in finem perseverare, quotidie in
tuis sacratissimis virtutibus proficere, omniaq; bene acta & agenda ad tuam lau-
dem ordinare & consummare: consummata vero tibi, & per te Deo Patri offerre,
vt in hora mortis meæ merear dicere. En Domine Deus meus, opus quod præce-
pisti mihi ut facerem, perfectum est. Nunc venio ad te Iesus Salvatorem &
redemptorem meum, ut videam te faciem, omnis consummationis scopum
& finem, Amen.

Pro intentione simplici, quolibet in opere, Precatio.

Amantissime Domine Iesu Christe obsecro te per amorem illum perfectissi-
mum, quo salutem nostram zelando, ubique tam fideliter, quam feruenter
queraris: da mihi rectam, puram, simplicem ac deiformem in singulis inten-
tionem, ut in quibuscumque agendis aut dimittendis, elegendis atque cauendis,
& viuens & moriens non aliud queram, non aliud intendam, quam pure gloriam
& beneplacitum tuum. Da igitur mihi fidelissime amator, ut ex toto corde meo
desiderem, diligam & queram nihil in tempore & æternitate, / extincto per gra-
tiam tuam in me penitus omni priuato amore, quam tuum honorem & gloriam,
Amen.

Pro diuini beneplaciti impletione, ad beatam Virginem Mariam, Precatio.

Excellentissimæ dignitatis mater Dei Virgo Maria, obsecro te per singularem
illam præminentiam, qua cunctis coelestibus spiritibus praestas; ut portæ glo-
riosissimæ super omnes Angelorum choros exaltata, coelestium ciuium regi-
na constituta, summæ adorandaq; Trinitati proxima, potentissima simul ac mi-
sericordissima, impetra mihi velle & perficere omne beneplacitum dilectissimi
filii tui, illucq; ordinare omnes cogitatus, conatus & affectus cordis mei, ut volun-
tati eius iugiter obediam, & ita placeam, ut post hanc vitam tecum æternam feli-
citer percipere merear, Amen.

Pro fidelitate & gratitudine ad diuam Virginem Mariam, Precatio.

Oabyssus omnium gratiarum & speculum omnium virtutum misericordissima
atque dulcissima Domina mea sancta Maria, impetra mihi à Deo, cuius es
mater & filia, ut propter suā pietatē & tuā benignitatem auferas à me odibile
ingritudinem, omnemq; cordis duritiam: ut beneficiis eius, scilicet, creationis, re-
demptionis, misericordissimæ vocationis, protectionis, & cetera, cum summa
animi gratitudine recolere valeam, ipsumq; inde sinenter laudem & honorem,
ipsi cum castissimo cordis iubilo gratias agam, ipsum continentem cum profundissima
humilitate, filiali nō more, summaq; reverentia magnificem & adorem, ipsiusq;
mandatis perfectè obtemperem. Rogo te præterea ò mater suauissima, quæ reuera
meritis



meritis es potentissima, pietate affluentissima, miserationibusq; exuberantissima, fac vt tuarum pariter in me misericordiarum & beneficiorum nre cessatione memor sim, tib:q; vel aliquam fidelitatis & amoris viciſſitudinem pro omnibus quæ hastenus mihi tribuisti rependere non cessem: quatenus à tua & filij tui Domini mei Iesu Christi gratia non excidam, Amen.

Pro Dei voluntatis agnitione, & vera animi resignatione, Precatio.

O Iesu clementissime, qui omnibus voluntatem Patris tui cœlestis perficiens diuinitas gloriae tuæ acque regni tui immensos thesauros communicas, quiq; Solem tuum super malos & bonos oriri facis, neque villa apud te est personarum acceptio, sed in omnibus tibi complacet, qui te tuaq; imitantur vestigia, leq; ex toto corde ad te conuertunt, idèo ex intimo fundo animæ meæ tuæ immensæ ac summæ supplico Majestati, vt doceas me agnoscere in omnibus tam agēdis, quām omittendis & tolerandis, voluntatem Patris tui cœlestis, ne tenebris ignorantie inuolutus, contrarie tuaq; præcepta quicquam illiciti agam. Obscro quoque te per tuam incomprehensibilem bonitatem, vt veram atque integrum mihi dones animi resignationem, quandoquidem nunquam sine hac vera potest vel confistere vel custodiri Virtus. Oculos meos intellectuales lumine tuo diuino illumina, vt omnia quæ mihi accidente sive à mundo, sive à diabolo, sive à propria carnis corruptione de sola manu tua cùm summa gratiarum actione accipiam, credens pro certo ea mihi à te transmissa aut ad exercitium, aut ad æternæ fœlicitatis augmentum. Quid enim mi Domine, fons vitæ ac omnis boni scaturigo hoc non crederem, cùm certū est in nullo errare te posse? Tu nosti dulcis Iesu quid magis mihi expediatur, dulcedo an amaritudo: idèo omnes causas meas tibi quām fidelissimè commendando, hoc tantum rogans; vt diuina gratia tua me custodiat, ne impatientia aut alijs improbis motibus passionum te offendam. Infunde etiam mihi ad gratiæ tuæ custodiā æterni cruciatus timorem, huius miserrimi exilij fastidium, atque cœlestis patriæ perfectum desiderium, Amen.

Pro plena suypsius abnegatione, & animi resignatione, Precatio.

B Enignissime Domine Iesu Christe, in vniōne illius resignationis, qua te ipsum Patri in omne eius beneplacitum obtulisti, & hominibus etiam omnibus te subiecisti, offero & resigno me in omne beneplacitum tuum ad omnia tam trista, quām lata Factu me & tecum, quomodo tibi maximè placet. Hoc vnum mihi fidelissimè Iesu mi tribue, vt gratia, dignatio, ac amicitia tua (quibus licet indignissimis sim) exuberantisima, sempiterna, atque indeficiens in me sit & semper perseveret, qua roborante & impellente, mihi ipsi & vniuerso mundo moriar, tibi vero soli viuam.

Dulcis Iesu, fac vt omni amori priuato, omni amori & affectui ad quascumq; creaturas inordinato, cunctis vitijs & passionibus, omnibus delestantibus sensuum, omni superfluitati, omni proprietati, omni curiositat, & desiderijs quibuscumque non puris, perfectè abrenunciem & moriar.

Dulcis Iesu, per mortem tuam amariissimam te obsecro, da mihi omnibus desiderijs & inclinationibus naturæ vitiosis, & quicquid in me est quo te non pure quero, aut intendò perfectè mori, vt tu solus plenè atque perfectè me possideas, nec aliud velle vel posse ego habeam extrare, sed anima mea in omnibus viribus & potentijs suis tibi sit maneatq; unita, vt in me tu solus viuas & opereris, sicut



in proprio instrumento. Misericordissime Iesu, hoc est quod ex abysso cordis mei desidero, ac rogo, ut omnes vires & potentias animæ meæ, quicquid sum & possum, tu solus habeas, & per amoris incendium consumas, absorbeas, & in te transformes.

Pro perfecta sui abnegatione obtinenda; posset quis quasi ad numerum omnium membrorum & virium suarum, dicere ter centies & sexages quinque verbum, quo Christus in hortu Patris suo se resignauit, videlicet. Non mea, sed tua voluntas fiat mihi amantissime Iesu, Amen.

Resignatio animi ad Dei matrem, virginem Mariam.

O Gloriosissima celorum regina, dignissima Angelorum domina, peccatorum firmum refugium, mæstorum solatium, venie spes, & misericordiarum mater, totum me tibi ad tuos mellifluos pedes resigno & offero, ut doceas meyna cum benedictissimo filio tuo omnia vota & debita mea, & quæcunquam spectant ad vocationem meam diligentissime atque fideliissimè persoluere, totumq[ue] tempus vitæ meæ in vita & passione superbenedictissimi filii tui ad gloriam & honorem tuum expendere, Amen.

Resignatio alia brevis ad eandem.

D Ulcissima Domina mea sancta Maria, tibi commando & plenè resigno corpus & animam meam, ut custodias & dirigas ea, sicut custodisti & direxisti corpus tuum virginem & animam sanctissimam ad omnem virtutem, in laudem & beneplacitum omnipotentis Dei, præseruans & cohibens me ab omni peccato, Amen.

Resignatio sui humilitatis, ad Dei matrem virginem Mariam.

O Mater pientissima, o virgo clementissima & omnium desolatorum afflictorum consolatrix singularissima misericordiarum regina atque unica post filium tuum animæ meæ spes. Ad te o misericordissima desolatus, afflictus, & malorum meorum pondere pressus, tanquam ad securissimum portum confugio, ad benedictissima virginalia pedum tuorum vestigia me prosterno, corpus & animam, velle & posse meum omnesq[ue] vitæ meæ miserrimæ difficultates ac necessitates tibi resigno, offero atq[ue] commendô, & me totum cum humili subiectione maternæ custodiarum tuæ dedo, subdo, ac sine villa retractione trado. eligens te præ omnibus o benignissima, ego pauperculus & vilissimus peccator matræ meam: rogâs proinde corde humili & animo contrito, toto corpore pedibus tuis sanctissimis prouolutus, per viscera misericordiarum tuarum, per mansuetudinem virginei cordis tui, sub quo nouem mensibus requieuit Iesus Christus Dei filius, noli in te repellere, noli à suauissimo tuo me alienare confortio, noli, inquam, à pedum tuorum sacrâ vestigijs me amouere, sed propter eum qui ante te nudus & expansis pro me pependit manibus, totus disjectus & dilaceratus in cruce me suscipito, & cum dilectis tuis filiis & discipulis dirigito ac custodito, Amen.

Pro Crucifixi Christi conformatio[n]e & perseverantia, Precatio.

O Iesu Christe rex summè amabilis, corona confitentium, fortitudo pugnantium, atque ciuium cœlestium perfecta beatitudo, memento oro mei, & verbi tui quod loquerus es, per quod mihi spem dedisti, illius dico iucundissimæ premissionis, quæ dixisti: Cum exaltatus fuero à terra omnia traham ad meipsum.

O amabi-



O amabilissime Domine, si cœlum & terra transibunt, verba autem tua in æternum permanent, firmentur nunc verba tua super seruo tuo. Ecce sto in conspectu tuo, qui omnium tibi sum causa pœnarum, vilis peccator, cinis & exiguus puluis, at:amen creatura tua & plasma tuum. En non solum exaltatus, sed ab omnibus etiam derelictus fuisti in super ita distentus, dilaceratus, & excruciatus, ut vix potueris respirare. Trahe ergo me nunc ad te, quatenus de reliquo non mihi, sed soli tibi viuam. Occide veterem in me hominem cum vitijs & concupiscentijs suis, & quicquid in me laret quod gratia tua obstatulum parare possit, & indue me nouum hominem, qui secundum Deum creatus est in iustitia & sanctitate veritatis, ut sicut tu omnia sanctissima tua membra pro me in Cruce extendere non es dignatus, ita post hac ad tui dulcissimi nominis honorem omnia mea dilatam membra & viscera, atque ad tuos suauissimos aspirem, anhelem, & æstuum amplexus, neque quoad viuam, hanc ad quam gratiore me vocasti conuersationem commutem aut dimittam, sed in finem usque fideliter in ea perseuerem. Hoc mihi præstante gratia tua, Amen.

Eph. 4. v. 24.

Pro veritate simplicitate & vita innocentia, Precatio.

Iesu Christe dulcissime, amabilissime, innocentissime atque simplicissime, rogo te omnium creaturarum indignissimus per calidissimas infantias tuas lacrymas, tenerasq; tua membra, ablerte omnes animas meas fordes, & restitue mihi iamdiu amissam pristinam vitam innocentiam & simplicitatem, quatenus consors fieri merear tuas glorias, qui particeps es factus infirmitatis & miserias meas. Et qui puer natus & datus es nobis, miserere obsecro nobis, & solue maledictionem in qua natus sum filius inge, & da benedictionem tuam, per quam renascatur filius gratiae & æternæ gloriae, ut reiugiter cum omnibus sanctis tuis pro inenarrabilibus tuis beneficiis collaudem hic in tempore, & post hac in æterna felicitate, Amen.

Pro puritate & simplicitate cordis, Precatio.

Iesu Christe splendor Patris, candor lucis æternæ, & speculum sine macula, per incomprehensibilem diuinitatem tuam Maiestatem obsecro te, da mihi castitatem corporis, munditiam cordis, simplicitatem spiritus, & sincerissimam puritatem mentis. Dulcis Iesu, omnia vitia, omnes inordinatos motus & passiones mortifica in me. Quicquid illicitum, quicquid inordinatum est, quicquid tibi displicet aufer a me, & da mihi cor rectum, simplex, purum, Deiforme, secundum cor tuum. Libera & custodi me ab omni peccato. Omnia membra mea, sensus, anima potentias, & quicquid sum: haec omnia reformanda, custodienda, regenda atque possidenda offero tibi benignissime Iesu, custodiq; me ab omni opere illico, ab omni verbo ocioso, ab omni cogitatione vitiosa, vana aut superba, ab omni motu inordinato, ab omni affectione non casta, aut abs te aliena, ab omni intentione impura, ut te solum pure quaram, in te solo requiescam Domine Deus meus, fac ut nihil me afficiat, nihil me delectet, nihil mihi placeat, nisi tu, & ego tibi soli placere cupiam, tibiq; soli inhæream, Amen.

Pro puritate animi, Precatio.

Domine Iesu Christe puritatis & innocentiae ardentissime amator, qui mei amore splendidissimam ac roseam faciem tuam sicutis atque putentibus phlegmatibus voluisti inquinari & fecardi, multisq; iniurijs & blasphemis

g

affici,

affici, quo faciem animæ meæ peccatorum fuligine obductam expurgares, & renouares, concede obsecro mihi gratiam tuam, ne vñquam eandem sordidis cogitationibus, impuris affectionibus, aut illicitis operibus & obscenis verbis commaculem: sed integrum, omnisiȝ maculæ expertem iugiter tibi custodiam, atque in puritate, simplicitateq; cordis omne tempus meum post hac transfigam, omnibusq; quibus cum viuo bonum conuersandi exemplum tradam, & post me relinquam.

Imprime quoque & renoua in anima mea clarissimam & splendidissimam faciem tuam, quoties contigerit me à te per carnis infirmitatem, aut aliam ob causam, auerti, ne cæcitate percussus tui ignorantiam incurram, vt hic dulci tua familiariate priuatus, postmodum cœlesti tua gloria destituar, Amen.

Pro cordu stabilitate, & nuditate, Precatio.

Quæso te benignissime Iesu, da mihi cor stabile quod nulla à te abstrahat etiatio: da rectum, quod nulla oblique sinistra intentio: da simplex, quod nulla distrahat curiosa cogitatio: da nudum, quod nulla occupet formarum aut rerum sensibilium imaginatio: da castum atq; feruidum, quod indigna nullatangat affectio.

Dulcis Iesu, da mihi cor mundum ac nouum, da mihi cor secundum cor tuum, quod tibi perfectissimum ac semper placeat, quodq; semper inhabitare te delectet. Dulcis Iesu, si non vis reformatre cor meum, tunc auferas à me & da mihi cor tuum, Amen.

Pro deuotione stabilitateq; cordis in laudibus Dei ad B. Virginem Mariam, Precatio.

Odignissima Dei genitrix virgo Maria, propter filij tui sanctissima vulnera, quæ animam tuam sanctissimam dissecuerunt, omniq; dolore repleuerunt, oro te humiliter, vt omnem leuitatem cordis atque instabilitatem mentis longè à me profuges, vt sancta compunctione peccata mea incessanter deplorem, & ad æternam vitam mundi contemptis voluptatibus & delitijs, ardentiissimis desiderijs aspirem.

Impetra etiam mihi ô pia mater in omni loco & tempore: præcipue autem in diuinis laudibus, veram cordis deuotionem, puritatem & munditiam, vt ea ad quæ ex Ordinis vel status mei obligatione teneor, deuotè, attentè & reuerenter in conspectu summæ Maiestatis filij tui persoluam, né aliquam filio tuo aut tibi, ô reverenda mater, irreuerentiam exhibeam, aut inimicis meis occasionem calumniandi me propter cordis vel lensum dissolutionem, præstem, Amen.

Pro puritate & simplicitate cordis ad eandem, Precatio.

O Maris stella lucidissima, mætorum consolatrix dulcissima, misericordum adiutrix potentissima, reorum aduocata promptissima, desperatorum spes vñica, domina mea benignissima semper virgo Maria, impetra mihi obsecro à dulci filio tuo Domino meo Iesu Christo cor simplex, rectum & mundum, cor piuum & humile, cor gemina charitate & omnigenis virtutum floribus exornatum, cor aptum & ad omnem diuinam inspirationem recipiendum, paratum, Amen.

Pro vera ad Deum conuersione, Precatio.

O Iesu suauissime, qui omnibus à te aueris compendiosam ad te reuertendi tradidisti semitam, dicens: Nisi conuersi fueritis & efficiamini sicut parvuli, non intrabitu in regnum cælorum, & per Prophetam tuum loquutus es, dicens.

Matth. 18.



cens. Conuertimini ad me in toto corde vestro, doce me obsecro veram atq; integrā ani- Ioc. 1.
 mi conuercionem, quomodo instar parvolorum sine omni malitia ac cordis ama-
 ritudine vitam meam instituam, atque eorundem simplicitatem, puritatem, & in-
 nocentiam secundo, meam iam dudum amissam recuperem, animæq; meæ vires
 in suam originem, hoc est, in te Deum meum referam, naturales meas passiones,
 sensus, & illicitos animi motus comprimam, iugiterq; constringam. Quod pie
 Deus, quām necessarium mihi sit, ipse cernis, quando tam faciliter & leuiter per
 sensus à te defluo, multisq; perplexitatibus & curis superfluis sēpè me inuoluo. At
 reuoca me quæso ad te, & erige cor meum pondere peccatorum præssum ad cœle-
 stia, & abstrah me ab omnibus qua mundi sunt, iugo suauissimæ leruitutis tuæ
 me subdendo, omnesq; effectus & cordis mei desideria in cor tuum diuinissimum,
 omni virtutum odore respersum, totiusq; diuinitatis gazophylatum, rapiendo,
 atque in inuestigabili tuæ diuinitatis abyssi mentem meam absorbendo. Subarra
 me etiam in hac præsenti vita anulo gracie tue, & indissolubili charitatis tuæ vin-
 cculo me constringe, ne in æternum à te separer, & à cœlestibus suis mansionibus
 culpis meis & peccatis exigentibus, excludar, Amen.

Suspiria mentis & aspirations ad Deum, ceu ignita quædam amoris iacula, qui-
 bus veluti amantium duorum mentes, Dei scilicet & hominis,
 vulnerantur vniunturq;.

Quisquis charitatem Dei (sine qua nulli vñquam speranda est salus) citius obtinere
 desiderat, illi inpendio necessarium est, ut ignitis & quasi continuis quibusdam af-
 flictis aspirationibus, deuotisq; mentalibus orationibus, quibus mentem suam ad
 Deum eleuet, & cuncta visibilia & caduca transcendere diseat. Præterea ut quotidie ad
 minus vñam horam capiat, in qua se & actus suos, omniq; sua interiora, motus, inclina-
 tiones, & intentiones, solerti cura discutiat, diligenter attendendo in quem finem omnia
 sua peragat opera, an videlicet se magis, quam Domini Dei sui honorem & gloriæ querat.
 si super omnia Deum suum magnificare & honorare desiderat, ipsiusq; laudem vbiique
 promouere conatur, bene se res habet. Si minus, doleat necesse est, & conuerat se ex imo
 cordis sui his vel similibus verbis ad Deum creatorum suum, orando ut ab omni proprio pri-
 nativo amore cor suum expurgare dignetur, verumq; illi amorem infundere, quo nulla rei
 efficiatur, quam solum Deo suo.

Ad Patrem aspiratio supplex.

O Pater potentissime, ego creaturarum tuarum omnium nouissimus, rogo
 te per summam potentiam, sapientiam, ac bonitatem tuam, vt super omnia
 creata me subleues & in te stabilias, quatenus ex totis viribus animæ meæ te
 diligam, & perpetua charitate inseparabiliter in te fixus maneam, Amen.

Ad Filium aspiratio supplex.

O Sempiterna Dei Patris Virtus, & Sapientia Christe Iesu, per amorem illum
 fortissimum, quo ab æterno genus humanum dilexisti, te supplex oro, vt inextinguibilis
 tua charitate me repleas, accendas & inflames, vt nunquam cogitem aliud quam te, nec in aliqua re quiescam nisi in te Deus meus & Dominus
 meus, Amen.

Ad Spiritum sanctum aspiratio supplex.

O Aeterna Dei bonitas, & Spiritus sancte Deus meus, ignis inextinguibilis &
 flama amoris immensi, totum cor meum consume, enemq; amorem pere-
 grinum procul à me repelle. **O** amor cœlestis dulcedinis, & dulcedo diuini

g 2 amoris,



PHARATRAE DIVINI AMORIS

amoris; ô amor non crucians, sed delectans; ô amor semper ardens & nunquam deficiens, transforma me in te, accende me suavitate, dulcedine, iucunditate, exaltatione, concupiscentia sp̄i tui, quæ semper est casta, munda & secura, quatenus te diligam ex toto corde meo, ex totisq; medullis præcordiorum meorum, Amen.

Ad Filium Dei supplex aspiratio alia.

O Iesu suauissimè ac præ filij: hominum speciosissimè, vtinam perfectè te desiderarem, & amore flagrantissimo te prosequi possem, qui omnino immensus, incircumscribibilis & incapabilis es in teipso, qui vt me ad redemandum te induceres, tot mihi miserae & desperitæ tuæ creaturæ amoris insignia declarasti, vt nullo modo ea enumerare possim.

Aspiratio alia ad Christum Iesum deuota.

O Iesu dulcissime, D̄us meus & Dominus meus, accende me igne ardentissimo sancti Spiritus, & reple me tui desiderio immenso, vt totus suauitate licetiam ac pietate erga te fluam. Diligam te obsecro dulcisimum, pulcherrimum atque amabilissimum Deum meum, ex omnibus viribus meis, ex tota intentione cordis mei, cum multa contritione & lachrymarum fonte, cum multa humilitate & reverentia, Amen.

Aspiratio alia ad Iesum Christum ignita.

O Iesu unicum desiderium animæ meæ, mollifica cor meum durum, lapideum, saxeum, & ferreum, tua sacratissima & potentissimaunctione, vt omnis meditatio cordis mei semper in te tendat, vt mediter te per dies cessione, sentiam te per soporem in nocte, alloquatur te spiritus meus, fabuleturq; tecum mens mea iugiter, Amen.

Aspiratio alia ad Christum supplex.

O Utinam pie Domine ex nimio tui desiderio totus hic mundus cum omnibus suis vanitatibus in me quandoque marcescant, & grauis illa concupiscentiarum desideriorumq; carnalium sarcina quæ usque adeò spiritum meum ad terrena deprimit, in me allevietur quo expeditius post te in odore vnguentorum tuorum cœlestium curram, & quandoque ad tuæ excellentissimæ Maiestatis beatificam visionem satiandus te duce atque autore pertingam, Amen.

Alia aspiratio ad eundem deuota.

B Enignissime, amantissime, charissime, potentissime, desiderantissime mi Iesu Christe, ô utinam multitudinem dulcedinis tuæ atque eximiæ charitatis cordi meo infundas, vt nunquam carnale aut terrenum quid cogitem, sed te solum vitam animæ meæ amem, te solum in corde & ore meo circumferam. O Iesu fons omnis dulcoris diuinisq; laporis, scribe digito tuo, dulcem tui melliflui nominis memoriam in memoria mea, nulla usquam obliuione deleandam. Exara in tabulis cordis mei voluntatem tuam, omnesq; tuas institutiones, vt te immensæ Maiestatis Dominum, tuæq; diuina præcepta semper & ubique locorum habeam præ oculis, Amen.

Scintille anime amantis Deum flanumigere.

D Eus meus, pulchritudo oculorum meorum, satietas cordis, nunquid nō sufficis amanti? Quid extra te euagamur? quid aliud querimus? quid aliud desideramus?

Eia



Eia quæso vulnera animam meam ò speciosissime, ò deliciosissime, vulnera animam meam amoris tui iaculo, imple omnia desideria mea, ut nihil me extra te delectet, nihil afficiat: te solum in omni creatura videam, ad te astutissimis, desiderijs semper anhælem, & castissimo amore te solum omni momento cogitem.

O Domine Iesu, incende cor meum tui amore sanctissimo ac fidelissimo.

O vtinam amore tui ardeam, o vtinam amore tui langueam.

O amantissime Iesu, da mihi continuum amoris tui incendium, trahe me post se, curram & non deficiam.

Quemadmodum desiderat certus ad fontes aquarum, ita quæso fitiat anima mea ad te Deus meus.

Da mihi benignissime Iesu insatiabile & immensum desiderium tui, quod nulla creatura consolari possit.

O amabilissime Domine Iesu Christe, electissime sponse animæ meæ, obsecrare per cor tuum lancea transfixum, & amore vulneratum, tranfige, vulnera, perfunde & inflamma cor meum amoris tui incendio tam valido, ut ex toto corde meo, hoc est, pleno desiderio, & perfecta voluntate te diligam, te queram, te intendam in omnibus & super omnia.

Diligam te Domine Deus meus ex tota anima mea, ut omnes sensus meos in te conuertam, & tibi soli intendant.

Diligam te ex tota mente, ut intellectum & memoriam meam in te solo, & ad gloriam tuam occupem, tibi soli inhæream.

Diligam te ex omnibus viribus meis, ut omnes illas, & animæ & corporis in tui laudem, amorem, ac beneplacitum tuum expendam. Diligam te Domine Deus meus, ut tu solus me totum possideas, ut me totum in te absorbeas, atque transformes.

Domine Iesu Christe fili Dei viui, da mihi toto corde, pleno desiderio, fitienti anima ad te aspirare, in te dulcissimo atque suauissimo respirare, ac totum spiritum meum, & omnia interiora ad te, qui es vera beatitudo, temper anhelare.

Da mihi ut omnis creatura mihi vilescat, & nihil me afficiat, nihil mihi placeat nisi tu.

Dulcis Iesu, vulnera & accende cor meum tui amore castissimo.

Trahe omnia desideria mea post te, ut te solum anima mea esuriat, fitiat, te solum concupiscat, ad te inde sinenter suspirat & currat, tibi amore langueat, & mundana omnia fastidiat.

Dulcis Iesu, imple cor meum castissimis desiderijs, quibus anima mea tui amore semper ardeat, & te semper cogitans præter te aliud nesciat.

O vtinam tu solus cordi meo dulcescas, tu solus mihi placeas suauissime Iesu.

Heu Domine Deus meus, quando perfectè diligam te? Quando constringam te dulciter, o vita mea inter brachia animæ meæ?

Quando amplexabuntur te, o dulcissime amator, omnia desideria cordis mei?

O Domine Deus, ut vtinam meipsum & vniuersum mundum tuum amore perfectè contemnam.

Vtinam anima mea tui amore liquefiat. Vtinam in te rapiatur & absorbeatur.

Suauissime & desiderabilissime te totum desidero, te solum concupisco.

Redde te mihi, & poside me tibi. Atque vtinam te solum vere & perfectè desiderem.



Quousque arida est anima mea, aquas ficiens alienas. Oh imple eam ardore ze-
stantissimae charitatis, vt fitiat ad te Domine Deus meus.

Amabilissime Iesu, utinam vero & perpetuo amplexu constringere te me-
rari.

Dulcis & speciosè, quām amabilis es, cur non amo te? Potes ne hoc ea sustinere
benignissime creator, quod aliqua creatura non diligit te? Quæso suauissime Do-
mine, in me hoc non sustineas, sed irrumpas in cor meum, & vim facias mihi po-
tentissime.

O violentiam suauissimam, quando vim patiar, Iesu bone rapias tibi spiritum
meum, & infunde mihi spiritum tuum.

Deus meus, quām bene mihi esset, si diligenterem te. Et quantæ prudentiae est ama-
rete, quantæ suavitatis quiescere in te, quantæ vilitatis possidere te!

Dulcis Iesu da mihi illas diuitias, hoc est, te ipsum, & in cæteris omnibus sim
pauper. Fac me pauperem spiritu, vt non quæram aliud nisi te.

O adorante, colende, metuende, omnipotens sempiterne Deus. O amator ar-
dentissime, o zelator fidelissime, quando redamabo te?

O quando me totum exibo, & totus in te introibo? Utinam meipsum totum
relinquam, & in te me totum effundam.

Excita cor meum Domine, vt requiram te, illumina cor meum, vt inueniam te;
posside cor meum, vt requiescam in te & obliuiscar omnium, quæ sunt extra te.

Nobilissime Iesu, quām pulcher, quām amabilis, quām speciosus, quām suavis
es tu. Beati omnes qui diligunt te.

Benignissime & amabilissime Iesu, tu cordis mei thesaurus, & vnicum gaudium,
da mihi vt medullitus exeam & relinquam me ipsum, & zestantissimis desiderijs
ad te semper aspirem.

O lumen verum, o vita indeficiens, o amor semper ardens, da mihi mundo &
carni perfectè mori, & omnium rerum temporalium funditus obliuisci, vt pro il-
lis neque gaudeam, neque doleam, neque aliud præter te amatorem meum sentiam.

Altissime, potentiissime, pulcherrime, nobilissime, dulcissime, benignissime, a-
mabilissime, desiderabilissime, suauissime Domine, veni & visita me, & fac tibi
cor meum secundum cor tuum, vt maneas semper tecum.

Suscipe me tibi, & da te mihi. Fac me tibi indissolubili vinculo amoris colli-
gari, vt neque mors, neque vita possint nos ad momentum separare.

Domine Iesu, fac me cognoscere vilitatem meam, & maiestatem ac bonitatem
tuam, vt inde in me crescat profundissima humilitas, & hinc accendatur perfe-
ctissima charitas.

Clementissime Iesu, cum tu aliud nihil imperas, & illud vnum ego desidero, vi-
delicet, diligere te ex toto corde meo, tibi qui placere in omnibus & super omnia:
heu cur hoc in me non impletur?

Amantissime Iesu, ego nihil boni desiderare quanto minus agere possum, nisi
quod gratia tua mihi desiderandum aut agendum inspirauerit: quod ergo inspi-
ras, quod præcipis, quod laudas, infunde mihi, vt velim & perficiam.

Diligam igitur te Domine Deus meus, ex omnibus medullis animæ meæ, & fa-
ciam omnem voluntatem, & omne beneplacitum tuum, quia Deus meus es tu.

Eia misericordissime Iesu, nunc eadem repeto: Noli mihi negare quod tu man-
das, quod tibi acceptum, & mihi est desideratissimum, nec esset, nisi tu faceres desi-
deratissimum.

Imp



In p[re]ce[nt] ergo cor meum perfectissima, ardentissima, fidelissima, atque perpetua charitate, ut quicquid sum & possum, & quæcumque inita & circa me sunt, colant, querant, fitant, diligant te, seruiant, & placeant tibi perpetuo & perfectissime.

Dominine Iesu Christe, ostende virtutem & potentiam tuam in me miserrimo peccatore, ostende quod maior est bonitas tua, quam malitia mea.

Fac, ut qui haec tenus à te totus aterfus & frigidus fui, nunc conuertar ad te totus & tui amoris flamma in te transformer accensus.

Deus meus, creator meus, usquequo non cognosco te? Quamdiu lates, & non requiro te? Imò præsto es, & non inuenio te. Tu salus mea vñica es, & non quæro te?

Ergo amantissime, fidelissimeq[ue] zelator, qui cùm non esset diligebas me, & vt esset, tu fecisti me, da mihi ut desiderem te, sentiam te, queram te, curram post te: non quiescam donec inueniam te, & per amore tui, cætera omnia fastidiam extrete.

Aspirations hec sepius sunt repetenda: Si tibi ille aut alii cordi fuerint, & eiusmodi ex animo desiderauerit, non erunt otiosæ desideria tua,

O benignissime Domine Iesu Christe, da mihi ut totus diligam te feruentissime. O fidelissime Domine Iesu Christe, da mihi ut sentiam quam immensa charitate nos dilexisti & diligis.

O dulcissime Domine Iesu Christe, quam libenter te amarem. Et quia ut hoc velim, tu dedisti, da ergo ut diligam te ex toto corde meo, quia sine te nihil possum.

Dulcis Iesu, ignoce vilitati ac temeritati meæ, quæ peto, & da quod rego.

Fac me castissimo ardentissimoq[ue] tui amore signiri, in terapi ac absorberi, ac omnium quæ extra te sunt obliuisci.

O amor cordis mei, da mihi ut moriar tui amore.

O amabilissime Iesu, da mihi amorem erga te fidelissimum, strenuissimum, castissimum atque purissimum, qui incessanter te sentiat, te laudet, tibi gratias agat, tibi obediat, tui honorem ardentissime sentiat, & totum te tibi impendat.

O Iesu pro me crucifice, transforma quæso me in te, & fac ut clavis amoris inauertibiliter sim crucifixus in te.

Fac ut placeam tibi totus, semper & perfectissime. O Iesu amabilissime, o amor fidelissime, o amate delitosissime, vtinam totus tui amore merear inebriari.

O quando video te facie ad faciem? O vtinam tui amore in te absorberi merear.

Vtinam incendio amoris tui in te conflari, tibi vñiri, & in te consumi merear?

Dulcis Iesu age mecum, & fac me ita, ut ultra nequeam te offendere, ut tibi ultra non possim displicere.

Desiderabilissime Iesu, da mihi desiderium tui, ut vivere sine te nequeam, & amore tui langueam. Esuriat & sitiat ad te anima mea, vivat & subsistat in te solo anima mea. Requiescat in te vno mens mea.

Pie Iesu imple me charitate tua, & perfectissima humilitate. Sic tui amore semper perfectissimaq[ue] charitate ardeam, ut vilitatem meam simul attendere non dehinam.

Ego peccator sum, tu Deus meus, tu mihi omnia es. In manus tuas commendabo spiritum meum, ac totum meipsum.

Pro omni statu sanctæ Catholice & Apostolice Ecclesiæ.

Pro fandiis in mundo, Precatio.

Clementissime Domine Iesu Christe, omnes iustos & amicos meos (*si vis ali-
quos singulariter recolere potes N.N.*) tibi in cor tuum commendo. Fac ut in
omni sanctitate per imitationem vite tuæ, atque in perpetua charitate ipsæ
indies crescant. Eorum vero orationes, virtutes ac merita coram te mihi pauperi,
ac vniuerso mundo subueniant, Amen.

Pro tribulatis, Precatio.

Dulcis Iesu, omnes tentatos, tribulatos, miseros ac moestos in cor tuum que-
so suscipias, ut in te confortati, extra te nec consolationem, nec aliud quic-
quam requirant, sed in te solo viuant, gaudent, & requiescant, Amen.

Pro defunctis, Precatio.

Fidelissime ac piissime Iesu, ex vulneribus tuis, & ex misericordissimo corde
tuo omnibus fidelibus defunctis refrigerium largire, Amen.

Pro peccatorib, Precatio.

Fidelissime amator, omnes peccatores nos in sanguine tuo emunda, & in
gratia tua nos resuscita, Amen.

Pro scipso, Precatio.

Gloria & honor sit tibi Domine Deus meus. O misericordissime Domine Iesu,
trahe me post te, ut inseparabiliter imitari merear vestigia vite ac passio-
nis tue. O Domine Deus meus, trahe me in te, ut aliud non sentiam, quam te,
ut aliud cogitare ac velle nequeam, præter te, Amen.

*Sero iturus ad requiem, lauda Deum pro omnibus in caelo & in terra, eosq; qui
adhuc in mundo sunt, eidem commendā, dicens.*

Gratias ago tibi Iesu piissime, Domine Deus meus, pro immensa charitate, &
pro omnibus beneficijs tuis, que tu vniuerso mundo singulari & Angelis &
hominibus exhibuisti, à nobilissima omniumq; dignissima creatura matre
tua, vsque ad insimam ac omnium ingratissimam, hoc est, vsque ad me vitem, va-
num & terræ vermiculum. Neque enim sum dignus ut in conspectu tuo appaream,
propter nimiam indignitatem, vilitatem & ingratitudinem meam.

Eia benignissime Iesu, sis tu benedictus in æternum, qui hanc singularissimam
virginem ab ætero tibi in matrem elegisti, ab omni peccato immaculatam ac to-
tam pulchram præseruasti, præparasti, præfigasti, omnium virtutum & gratiarū
plenitudine exornasti: in ea concipi, ex ea nasci, & eius lacte pasci voluisti, prædi-
cationi, passioni ac morti tuæ ipsam adesse, & nostræ redemptrioni cooperari tri-
buisti, atque nunc in celis corpore & anima assumptam, gloriössimæ coronam,
eandem nobis in aduocatam, misericordiæ reginam atque matrem dedisti.

Pro his sit tibi laus, honor & gloria sempiterna. Dulcissime Iesu, eius cor & me-
rita pro me & vniuersa Ecclesia tibi nunc offero, & per eandem nos in cor tuum
piissimum commendo, Amen.

ad bea-



Ad beatissimam Virginem Mariam, Precatio.

O Clemens, ô pia, dulcis Maria, vtinam ego totus tuus, & tu tota sis mea, me custodiens, gubernans, possidens, & ab omni peccato, ab omni malo, ab omni impedimentoo, ab omni quoque medio inter me & Deum me liberans atq; præseruans, Amen.

Pro Sanctis in celo Deum lauda, dicens.

Benedico te amantissime Iesu, Deus meus, pro omnibus gratijs ac donis, quæ Sanctis tuis in hac vita mortali olim, & nunc in gloria tecum constitutis contulisti: præcipue tamen his, quorum hodie est festivitas in cœlis, aut in Ecclesia memoria: & potissimum patronis meis, Barbaræ & Magdalenæ, & sanctis omnibus virginibus. Horum omnium orationes ac merita tibi pro me offero, & per illos me tibi nunc in cor tuum piissimum commendabo. O Sancti Dei omnes, intercede pro me, & ad vos me trahite, Amen.

Pro iustis in mundo constitutis, Precatio.

Adoro, laudo & benedico te piissime Domine Deus meus, pro donis gratijs ac beneficijs omnibus, quæ N. & N. id est, huic, & huic, & alijs omnibus electis ac dilectis tuis amicis in mundo adhuc constitutis, contulisti. Horam preces ac merita tibi pro me nunc offero & me per illos in cor tuum tibi commendabo.

Oro quoque immensam bonitatem tuam Deus meus, vt n̄ illos semper in gratia tua custodias, prouidas, dirigas, & omnia eis bona ac dona tua augeras atq; multiplices ad gloriam tuam, Amen.

Pro peccatisribus & seipso, Precatio.

Adoro, laudo, & benedico te misericordissime Deus meus, & gratias tibi ago pro immensa clementia & bonitate tua infinita, qua nos miseros peccatores ingratos, atque adeò vita ipsa indignos, misericorditer non solum sustines, sed etiam parcis, & benefacis nobis. Vincat igitur tandem ô Deus meus, vincat quæso malitiam nostram bonitas tua, emolliat duritiam nostram pietas tua, inflammet congelata corda nostra ardentissima charitas tua, vt ex vasis iræ mittemur in vas a misericordia, & ab omnibus peccatis liberati, tanto efficiamur in amando te feruentiores quanto haec n̄ suimus frigidiores.

Dulcis Iesu, da nobis post te currere, & imitari vestigia vitæ & passionis tui, vt deuotionis in nobis magnitudo compenseret nostræ conuersio[n]is tarditatem, & inde magis puri ac fitibundi te queramus, quo diutius ac grauius te contempsumus fontem æternæ vitæ. Da nobis vt toto corde ad te conuersi, & in gratia tua confirmati laudemus te redemptorem & salvatorem nostrum in æternum. Amen.

Pro commissis ac commendatis, Precatio.

O Ro autem te ô bonitas infinita: præcipue pro meipso omnium miserrimo atq; vilissimo, qui gratiæ tuæ auxilio præ cæteris tanto magis egeo, quanto infirmior, & ad omne bonum impotentior sum. Scis tu benignissime Deus, quam nihil & inutilis sum, & gratiam tuam in me & in alijs impedio atque euacuo. Quapropter ô omnium liberalissime atque piissime Domine, supplex te oro pro omnibus mihi commissis ac commendatis. Hæc enim omnia, id est, animas & corpora

corpora & quæcunque mihi commendata sunt, tibi iterum commendō, & in cōtūm dulcissime Iesu eadem abscondo atque immergo.

Tu quæso cuncta regas, protegas, custodias & salves iuxta beneplacitum tuum, ad gloriam tuam sempiternam. Domine Deus meus, pro hoc loco, & huius loci habitatoribus obsecro te per effusionem sanguinis tui, & per omnium miserationum tuarum abyssum, ut super nos omnes abundet confirmetur gratia tua & nemo ex nobis pereat. Tu verò & spiritualia & temporalia nobis secundum beneplacitum largiaris, nosq; & illa administrēs & dirigas, ut cultus tuus, animarumq; sa-
lus hic semper vigeat, crescat perseveretq; in æternum.

Dulcissime Iesu, fidelissime amator, res, hominesq; ac omnia huius monasterij, & omnium mihi commissorum iterum tibi in cor tuum offero ac cōmendo, quia tu ab æterne sciusti quod ego nihil sum, & necesse est ut tu ipse illa custodias, regas nosque possideas. Hoc modo etiam tibi commando omnes qui à me perunt orationes. Tu misericordissime, qui diues es in omnibus, iuxta fidem illorum & pro misericordia tua glorifica nomen tuum, & facias illis non iuxta vilitatem & demisita mea, sed secundum bonitatem tuam, Amen.

Pro confederatis, Precatio.

OMNES piissime Iesu, qui mihi propter te confederati atque vñiti sunt, tibi offero: tu quæso tibi eos confedera, ut omnes tecum vnum simus, Amen.

Pro benefactoribus, Precatio.

OMNIBUS mihi bene facientibus atq; fauentibus, tu clementissime Domine pro me te ipsum retribuas, quia melius nego petere, nec tu dare potes nobis, quam te ipsum suauissima atq; æterna bonitas, Amen.

Pro tentatis ac afflictis, Precatio.

OMNES tentatos, desolatos, afflitos, ac miseros misericordissime Iesu, pro infinita pietate tua consolare, iuxta eorum vtilitatem & tuam voluntatem. Esto memor quia te solum habemus Domine, ad quem securi configiamus in omnibus necessitatibus nostris. Absit igitur à tua bonitate, ut tu repellas nos, qui es Deus noster, refugium nostrum, & virtus in omni tribulatione, Amen.

Pro fidelibus defunctis, Amen.

MEMOR esto benignissime Deus misericordiarum tuarum, quæ à seculo sunt, & fidelibus omnibus defunctis da refrigerium & requiem sempiternā. Descendat piissime Iesu sanguinis tui rosæ ac calidi effusio in purgatorium, & recreet refrigereretq; omnes ibi captiues ac patientes. Libera eos Domine Deus noster ex omnibus angustijs eorum. Domine Iesu ego do illis mortem tuam & sanguinem tuum. Quomodo enim aliter possum illis succurrere aut mederi. Largire tu, ut horum virtute liberentur, Amen.

Quando pro aliquo, aut pro te etiam ipso ore desideras, Precatio.

DOMINE Iesu Christe clementissime, illustra cor N. gratia tua. Consolare & implore cor eius ardentissima charitate, ut honorem tuum, beneplacitum tuum, ac te ipsum solum ex toto corde suo querat ac diligit, & se ipsum tibi funditus relinquat ac resignet, omniq; tempore in oculis tuis inueniatur secundum beneplacitum tuum, Amen.

Pro parentum, consanguineorum, amicorumq; vita correctione & salute Precatio.

Rogo



ROgo te ô clementissime Iesu per sanctam incarnationem, passionem & mortem tuam, & per omnia quæ ab initio usq; ad finem vitæ sustinuisti, miserere parentum, fratribus, sororum, amicorum benefactorumq; meorum: & eorum omnium qui mihi occasio aut subsidio fuerunt ad hunc statum perueniendi. Et dignare in nobis corrigere, quæ tibi displicent, largiriq; quæ tibi placent, vt nūc gratia tua digni reddamur, & posthac tecum sine fine lætemur, Amen.

Pro afflictorum, desolatorumq; subleuamine, Precatio.

ROgo te ô dulcedo cordium & tribulitorum summum refugium Christe Iesu, vt per merita omnium axietatum & angustiarum piissimi cordis tui, omnibus afflictis, tentatis ac desolatis subuenire digneris, eosq; ab omnibus malis atq; periculis tam corporis, quam animæ eripere, gratiamq; tuam in ipsorum cordibus augere, ac ad æternæ fœlicitatis brauium perducere, Amen.

Pro Ecclesia Catholicæ reformatione & errantium animarum revocatione ad viam veritatis, Precatio.

O Pastor bone & fidelis Christe Iesu, ques tuas ferocissimorum luporum dentibus raptas ad ouile tuum sanctam reduc Ecclesiam, & renoua eos spiritu dulcedinis tuz, ac omnium errorum totiusq; præsidia & infidelitatis caliginem ab eorum cordis oculis deterge, quo vocem tuam agnoscant, tch in vera humilitate & ardentissima charitate sequantur.

Reforma quoque pristinæ charitatis & innocentiaz feruore Ecclesiam tuā sanctam, quam proprio sanguine redemisti, ac de diabolica captiuitate liberasti: maximè autem Ecclesiastico Ordines, ouiumq; tuarum pastores & prælatos, vt oues tuas viam veritatis edoceant, quæq; ore docent, opere ipfi implere satagant. Tu enim pie Domine oculis tuis ipse cernis, ad quantam omnes nos miseriam, & calamitatem dilapsi sumus, sed non absq; nostro demerito. Non enim iniustus es qui infers Tram. Tibi Domine peccauimus. Te Patres nostri ad iracundiam concitauerunt, neq; nos à via eorum recessimus, vt te ex toto perquireremus corde. Ideo satis iuste inuenierunt nos hæc omnia quæ patimur. Sed spero quod tandem misericordissimis tuæ pietatis oculis super nos respicies, qui non in finem irasci soles, sed iuxta Prophetā tuum, Cum iratus fueris, misericordia recordaberis. Hac spe fretus, pro tua desolata Ecclæsia, cuius & ego membrorum minimus sum, tibi supplico, te oro & obsecro, omnizq; pietatis tuæ viscera precibus meis pulso, vt omnibus nobis, præcipue in necessitatibus & periculis varijs constitutis iuxta solitam tuam benignitatem succuras, eosq; protegas & gratia tua sine qua nihil sumus, munias & defendas, Amen.

Effusio cordis pro suis suis, sibi commissorum, cunctorumq; Christianorum conuersione & correctionis vita prosequitione.

OMNI dilectissime Domine Iesu Christe, obsecro te, vt amabilis & infinita bonitas tua, omnia peccata mea propria dignetur remittere, & per amarissimam passionem tuam delere, consumereq; in immenso amoris tui incendio: & memiserum in gratiam & vñionem tecum adeò intrahere & confortare per amorem, vt exiens ad proximos meos, omnium hominum, & maximè mihi commissorum peccata in me suscipere, & continue deplangere & expiare valeam: vt tu in me, & ego in te manens, simul impleamus opus fraternalis charitatis. O misericordissime Domine, tuum ad amnes homines amorem

Abacuc. 5
h 2 extendo



extendo, & cum illo vias peccantium lugeo, & in illum omnium hominum, & singulariter mihi commissorum crima suscipio, & in abyssum misericordiae tuæ proijcio: oblecrans ut illis & mihi vera contritionis & emendationis gratiam, largiri digneris. O piissime Deus, confido immensa bonitati tuæ, quod si ego solus omnium hominum peccata commissem, & me cum illis perfecto ad te corde convertere & emendare velle, mox ab omnibus peccatis me liberares, & in ardenterissimi amoris tui igne, velut modicam stupram illa omnia concremares.

Hinc ad ianuam infinitæ misericordiae tuæ veniens pulso, & obsecro, pro grauissima in honoratione, & infinitis iniurijs, offendis & blasphemis, quæ tuæ dignissimæ maiestati, à me & alijs creaturis tuis viuis & defunctis irrogatae sunt, & adhuc abs ipsecessatione multum nimis irrogantur, ut propitiatus miserearis super omnibus malis istis, & respicias oculis clementiæ tuæ, quam gravi mea sarcina miser oppressi hæc in me suscipiens, qui tam infelix & vitiosus sum in meislo. Verū quoniam te tam fidelem & clementem patrem in meislo expertus sum, ut sitias etiam omnium hominum salutem: hinc te humiliter accedens rogare audeo, ut si miser ego, proprijsq; virtijs nimis onustus, tam mea, quam mihi specialiter commissorum, & omnium hominum peccata cum sanguine cordis mei emendare possem, etiam si deberem miliis mori omni hora, & omnium damnatorum penas cum gratia tua sustinere, quo illos tibi adducerē, ut tu in me, & in illis, quietere valeres (ad quod nos omnes creasti) ad hoc me totum tibi offero, & hilariter resigno.

Sed quoniam nihil sumus, nihil habemus, neq; valemus absq; te, obsecro te clementissime Domine Deus noster, ô summe sacerdos, qui temetipsum obtulisti Deo Patri pro nobis in odorem suavitatis, ut omnium nostrum miserearis, tua ardentissima charitate, vita, passione, & sanguine preclissimo, vniuersa nostra delicta deales, neglecta nimis multa supplex, impedimenta nos à tui accessu remorantia tollas, & nobis ut peccata nostra clara cognitione, amara contritione, vera confessione & integra satisfactione emendare, & tibi de cætero toto corde reconciliari, obedire, placere valeamus, concedas.

O Verbum aeternum propter nos incarnatum & crucifixum, parce quæso ignosc & succurre plebi tuæ. Praueni, tange & conuerte corda nostra, quamuis excœcta & indurata, ut totis viribus quæramus te, & sapiamus quæ tua sunt: sicutq; vnanimitate resistamus omnibus hostibus honoris tui & salutis nostræ, viuamusq; de cætero iuxta tuam voluntatem bonam, beneplacentem & perfectam, ut perfecta tibi charitate vniamur & adhæreamus, & nunquam ammodo à te separemur, Amen.

*Pro cunctorum Christi fidelium vita castigatione per septem extrema verba Christi in cruce,
Preceatio.*

O Dulcissime Domine Iesu Christe, obsecro te per amorem quo septem verba ultima in Cruce pro nostra salute dixisti, miserere miseris omnibus viuis & defunctis & da nobis veniam & gratiam plenariam.

1. O piissime Iesu, qui dixisti: Pater, ignosce illis quia nesciunt quid faciant, Ignosce nobis & omnibus nos lædentibus, odientibus & persequentibus: Similiter quos nos læsimus vñquam aut offendimus.

2. Et qui dixisti: Hodie mecum eris in paradyso. Redde nobis & omnibus fautoribus, amicis & benefactoribus nostris propter nomen sanctum tuum vitam æternam.

3. Et qui dixisti: Mulier ecce filius tuus. Miserere nobis & omnibus parætibus, prælatis, fratribus



fratribus, commissis & coniunctis nostris carnalibus & spiritualibus. Et commenda nos omnes fidei curæ p̄ijissimæ matris tui in filios, nunc & in ultima angustia nostra.

Et qui dixisti: Deus meus. Deus meus, vt quid me dereliquisti? Miserere omnibus ten-⁴atis, afflictis, miseris, oppressis & desolatis hominibus, & libera nos omnes à malis.

Et qui dixisti: Sitio. Miserere nobis & omnibus peccatoribus, errabundis, excusat-⁵atis, induratis, & desperatis hominibus, quorum salutem tantopere fitiebas in cruce, & conuerte nos omnes perfectè ad te.

Et qui dixisti: Consummatum est. Confirmata nos & omnes pios in bono quod habent & fac illos in tua gratia continuè proficere & perseverare, & supple omnia bona quæ hactenus negleximus.

Et qui dixisti: Pater in manus tuas commendò spiritum meum. Praueni tua gratia⁷ omnes nascituros. Præserua à lapsu iuuenes. Da lapsis resipiscientiam & constantiam, senibus & morientibus contritionem & veniam, defunctisq; requiem & pacem per-
petuam: propter amorem qui te vitam viuentium mori coegerit pro omnibus istis redimendis, suscipe animas nostras egredientes in manus tuas, & merito tuo illis succurrente protege illas ab insultibus omnium hostium suorum, & salua illas se-
cundum infinitam misericordiam tuam Amen.

*Pro cunctorum Christi fidelium conuersione & vita in melius castigatione, quam efficaci-
ma, Preceatio.*

IN spiritu humilitatis & in animo contrito, benignissime Domine IESV CHRISTE, coram abyssō bonitatis tuæ ego miser peccator prosterno me cum abyssō misericordiæ meæ, me profande contemnens & quasi ad nihilans meipsum, & omnia opera mea existimans quasi pannum menstruatæ: Sed in tua misericordia o Domine respirans (qui adeò bonus es, vt nullum quantumvis enormem peccatorem, quoties ad te redire voluerit repellas) venio ad te cum vniuersis meis proprijs, & mihi commissorum, omniumq; hominum viuorum & defunctorum peccatis, cri-
minibus, abominationibus, malitijs, nequitij, delictis & negligentijs, quibus tuam bonitatem grauiissime & multipliciter supra numerum arenæ maris, heu per super-
biā, inuidiam, iram, acediam, auaritiam, gulam, luxuriam, & alia vitia, cogita-
tione, loquutione, opere & omissione, nimis offendimus, in honora uirimus & blasphemamus: obsecrans te per infinitam charitatem tuam, qua nostram humanam naturam, & causam nimis malam assumere dignatus es, & per merita precessi glo-
riosæ semper Virginis Mariæ, & omnium sanctorum tuorum, vt nos omnes & singulos respicere digneris oculis misericordiæ tue, quibus respexisti Petrum in atrio, Mariam Magdalænam, in conuiuio, & latronem in crucis patibulo: & da nobis lu-
cidam peccatorum nostrorum cognitionem, feruentem contritionem, clarâ con-
fessionem, perfectam satisfactionem & vitæ emendationem. Ad quod obtainendum,
ea mihi licet proprijs peccatis nimium prægrauato omnia illorum peccata ex cha-
ritate libenter in me suscipere, toto corde cotinuè deplorare, & sanguineis lachry-
mis, si possibile est abluerre, & si necesse fuerit sanguinem quoque meum pro illorū expiatione effundere.

At quoniam omnis nostra contrito & pœnitentia, sitie quicquid facere possu-
h 3 mus,

mus, non sufficit pro minimo etiam peccato expiendo: imd sine gratia & passionis tuae merito nihil est, idcirco ad te venio cum tua amarissima (quam nobis usurpare permittis) contritione & pœnitentia, quam trigesita tribus annis nobis seruiens, in paupertate, labore & contemptu, in ieunijs, vigilijs & incommodis multis fecisti, & cum sanctissimæ animæ tuæ tristitijs, pressuris & anxietatibus mortis, cum tuæ feruentissimæ orationis & ignitorum desideriorum instantia, cum tuis calidis lachrymis, & sanguinei sudoris guttis, cum tuis innumeris vulneribus & sanguinis riuis, cum tua tota cruenta & doloribus repleta humanitate, & cum tua turpissima & amarissima morte, per hæc omnia obsecrans te ô misericordissime Domine Deus meus, ut vitia impedimenta omnia nos à tuo accessu remorantia auferre, neglecta & imperfecta bona supplere, & peccata nostra & illorum omnia remittere, & in immenso amoris tui incendio consumere, meq; & illos perfecta humilitate, abnegatione & patientia ceterisq; gratijs & virtutibus tuis omnibus exornare, confortare, illuminare, accendere, & perfecta tecum charitate vnire digneris, Amen.

Supplex per cuncta Christi Iesu humanitatis mysteria & insignia pro omnibus Ecclesiæ statibus reformandis, Precatio.

O Dulcissime Domine Iesu Christe, per stupendam tuam charitatem, qua te ipsum to sum cum omnibus gratijs & meritis tuis in Venerabili Sacramento Altaris nobis reliquisti, & per conuerzionem panis & vini quotidiano sacerdotum ministerio in corpus & sanguinem tuum, ignosc mehi & omnibus Christi fidelibus, omnem irreuerentiam, contumeliam & prodictionem, quam in eodem & alijs Sacramentis tuis, multo deterius quam Judas, indigne illa tractando & sumendo, haec heu enormiter nimis tibi irrogauimus: & conuerte nos totos in summam amorem, laudem, & beneplacitum tuum.

Per tuam miserabilem captiuitatem & ligationem, absolve nos ab omnibus vinculis peccatorum & laqueis dæmonum.

Per omnes colaphos, alaphas, iæctus, trusiones, illusiones, consputiones, contumelias & blaphemias totius noctis, & profunditatem putentis limi, cui infixus & misere deformatus fuisti, extrahe nos à profundo barathro ignominie & warpitudinis nostræ.

Per tuas omnes occultas passiones & cruciatus, libera nos ab occultis peccatis nostris.

Per confusiam & dolorosam tui circumductionem de iudice ad iudicem, libera nos ab omni tentatione & accusatione dæmonum.

Per crudelissima flagellorum vulnera, castiga nos in hoc seculo, ita ut postea eritas nos à flagellis iusti: ix tuæ.

Per tuos acerbos æstus & frigora congelationemq;, & tremorem omnium membrorum tuorum, mollifica & accende omnia dura & frigida corda nostra, & ablue illa in tuo calido sanguine, & submerge in tuis profundis vulneribus.

Per infisionem spineæ coronæ in regale caput tuum, illumina & purifica quinque sensus nostros, & reforma in nobis imaginem SS. Trinitatis, & imprime nobis formam tuæ coniunctæ humanitatis.

Per iniustum iudicium, quod innocens passus es, factus opprobrium hominum & abiectio plebis, da nobis ita nosipso & nullos alios iudicare & contemnere, ut in extremo & disticto iudicio tuo telementem ac misericordem habere iudicem mereamur.

Per



Per grauiissimum pondus crucis tibi impositum cum maxime dolore & labore,
exonera nos à grauiissimis sarcinis peccatorum nostrorum.

Per tui mœstissimum casum sub cruce, & defectionem tristissimæ matris tuæ,
erige nos à ruina vitiorum nostrorum.

Per diram extractionem vestium tuarum, extrahe à nobis omnes imagines crea-
turarum, nostrasq; proprietates & defectus quibus irretiti sumus, tuamq; in nobis
diuinam operationem impedimus: & adorna animas nostras sanctissimis tuis vir-
tutibus, quibus nobilissima tua anima est exornata.

Per lamentabilem tui sessionem super lapidem in frigido vento, accende frigida
pectoris nostra in amorem tui.

Per crudelem tui projectionem super crucem, & diram extensionem omnium
membrorum tuorum & per dirissimam manuum pedumq; tuorum transfoctionem
ac affixionem in Cruce, omnium hominum cor da tui amore transfode, à cunctisq;
vitijs expurga, inseparabiliterq; in te configere atq; unito.

Per erectionem tuæ crucifixæ humanitatis cum Cruce, & grauiissimam pœnam
membrorum tuorum quam sensisti, dum quam atrocissimè pondorofissima Crux
tua in lapidem excavatum cadere est permissa, imprime cordibus nostris tuâ cru-
cifixam imaginé, & concute saxa pectora nostra ad pœnitentiam & tui compassio-
nem, & reformat illa in te, & clarifica teipsum in eis, vt in spiritu nostro videre va-
leamus & cognoscere tuam fulgidissimam diuinam essentiam in nobis latente, & vt
formam tuæ Crucifixæ humanitatis semper nobiscum circumferamus omnibus
viribus & sensibus nostris infixam, in qua velut summatim tota vita & passio tua
comprehenditur. Et fac nos semper & vbiq; in mente nostra, intus in simplici ve-
ritate & indepicta nuditate, te querere, inuenire, trui & presentem habere, in abysso
sali amore & essentiali unitate: sicut sentire in nostro spiritu, anima & corpore,
quod in te fuit Christe Iesu rex benedicte.

Per amorem quo Patrem pro inimicis tuis rogasti, conuerto misericordes oculos
tuos ad nos miseris peccatores, qui te altera vice, imd millies millies, iniquis cogi-
tatibus verbis, operibus, & sceleribus crucifiximus. Et suscipe nos cum pœnitente
latrone, & aperi nobis paradisum gratiæ tuæ, & fac nos totos transire in te, & per te
in fundum & regnum animæ nostræ ad Patrem: & in ipso splendidam Deitatem tuam
contemplari. In quo quidem fundo teipsum (vt ita dixerim) celesti & vniuersi, à
quo nūquæ nec vis nec potes separari. Fac, inquam, in eo nos te sentire, & agnoscere
te nostram nobilem originem in nobis latere (ex qua manauimus omnes) & in eâ-
dem nos diuinam originem refluere, fieriq; vnum tecum spiritu ex gratia in inti-
ma essentia animæ nostræ, quam vt in nobis inuenire & intrare possemus, depulsa
virium nostrarum excitata, qua nobis diabolus viam intus ad te accedendi per cul-
pam præclusit, tibiq; ibidem vniiri, de cœlo descendere, & amarissimam mortem
perpetui es dignatus. Sed vñæ vñ omnibus qui tantam negligunt salutem, tecq; in sei-
pisis captiuum & ligatum detinent, conspuunt, flagellant & crucifigunt peccatis suis:
sicut apertis oculis ad infernum currunt, seque proprio iudicio condemnant ante-
quam à te condennentur. Per amorem quo sanctissimam matrem tuam in ma-
xima tristitia & dolore propter nos reliquisti, commenda illius maternæ pie-
tati & fidelissimæ tutelæ peccatrices animas nostras tibi despontatas, quæ te in
maximis pœnis derelicto & contempto, heu pessimo amabri diabolo turpiter ad-



hæcerunt, fide frage & adulteræ vilissimæ factæ. Quas tamen quia expâsis brachijs, lacerato corpore & aperto corde ad te reuocare non definis, in cor tuum dulcissimum offero, ut illas benigne fuscipere, ab omnibus cordibus in sanguine tuo lauare, & cœlesti patri tuo reconciliare & vnire digneris, qui propter illas sanandas in tantis pœnis & angustijs foris & intus es derelictus, ut nunquam fuerit homo tam misere derelictus: In qua râmen derelictione semper permanere paratus eras, si opus fuisset pro salute nostra.

Per asperrimam sitim tuam, in qua pro salute animarum nobilem naturam tuâ felle & aceto amaricari permisisti, extingue in nobis omnem sitim mundani amoris, & aperi in nobis venam vitæ, & pota nos vino gratia tuz, ut post te iugiter ignitis desiderijs currere non cessemus.

Per amorem, quo omnia redemptioni nostræ necessaria fidelissime consumasti, & voce magna clamans, dixisti: Pater in manus tuas commendo spiritum meum: sicq; expirasti, dirissima morte pro nobis miseris peccatoribus redimendis voluntarie occumbens. Fac nos omnibus vicijs & peccatis nostris funditus emori, tibiq; soli vivere atq; tuæ amarissimæ mortis memoriam omni in loco ac tempore in cordibus nostris circumferre.

Per amorem, qui te viuificatorem omnium creaturarum mori coegit, & ob honorem preciosissimæ mortis tuz, toto corde & corpore prostratus, obsecro te dulcissime Domine Iesu Christe, ut mortifices in animabus nostris & omnium hominum, vniuersa vitia & impedimenta quæ tibi displicant, & adiuues nos, ne tantus amor in nobis miseris frustretur.

Per amorem quo ad carcere in infernalem descendere dignatus es, frange vincula omnis prauæ consuetudinis in nobis, & illuminâ tenebras cœxitatis nostræ, & omnium fidelium defunctorum piissime miserere.

Per tuum transfixum cor, transfige amantissime Domine Iesu Christe corda nostra iaculis amoris tui, & introduc nos intus ad Patrem tuum.

Per sanctam sepulturam tuam, fac nos totos mundo mortuos & sepultos, in te solo viuere & abscondi.

Per gloriosam resurrectionem tuam, fac nos à vitijs perfectè resurgere, & in noctute vitæ ambulare.

Per admirabilem ascensionem tuam, fac nos à terrenis expeditos, ardentibus suispirijs te caput nostrum sequi ad cœlestia, & per virtutum exercitia regnum animæ nostræ tecum incolere quod nobis restitueristi.

Per conuersionem omnium pœnarum & contumeliarum tuarum in gloriam, & misericordissime Domine, qui animarum vita es, conserua te ipsum in eis, & permitte diuinitatem tuâ radiare in illis & expelle ex eis quicquid te impedit, ne possis in illis gratijs habitare. O amabilis Pater, memeto quod omnes homines ab eterno fuerunt in te increati, & nunc quando illos creasti, imaginè superfantissimæ Trinitatis illis impressisti & vniuististi, replèstisq; eos te ipso toto, qui principiū ipsorum es, vnde emanauerunt, sine quo fâliciter viuere nequeunt.

Per omnem hanc bonitatem & fidelitatem tuam, obsecro te piissime Deus, vt omnia nostra & ipsorum peccata remittere & delere digneris ex memoria tua, & absindere ex cordibus illorum, ipsosq; in te regenerare per passionem tuâ, abluere in fonte preciosi sanguinis tui, omnem spiritualē languorem sanare, obtenebratam conscientiam.



conscientiam illuminare, indurata corda frangere, cormundam illis reddere, & Psal. 59.
spiritum rectum in visceribus eorum innouare.

Expelle omnes errores à cordibus illorum, & doce eos omnem veritatem, & fac
nos in lumine tuo ambulare, in semitis tuis currere, ascendere per scalam humani-
tatis tuae ad te, in te intrare, & tecum vñiri.

Congrega bone pastor oues tuas, ex omni gente & terra, in quas disperse sunt, &
reduc eas in terram suam, quæ tu ipse es. Effunde pluuiam miserationum tuarum
super illas, & ablue omnia iniquamenta ipsarum, & fac eas cum gaudio redire in
Syon, & aperi in animabus ipsarum fontem gratiæ, vnde haurire possint aquam
vnuam in ipso fundo bonitatis tuae in ipsis latenter, & in æternum laudare.

O dulcissime Domine Iesu Christe, require tu ipse perditas ouiculas tuas, & visita Ezech. 34.
eas sicut pastor oues suas visitat. Collige illas in vinas tuas & leua eas in sinum tuum, v.ii.
pascetq; illas ex intimes misericordia tuae. Quid infirmum est sana, & quod confra- Ezech 34.
ctum est, consolida, & quod fortè est confirma. v.15.

O amabilis Domine, dignare eas salvare, defendere, & custodire intra extensa
brachia tua à mortibus luporum infernalium, & duc eas ad pascua æternæ beatitu-
dinis tuae. Qui viuus & regnas &c. Amen.

PHARETRÆ DIVINI AMORIS

Libri Primi Pars V.

Complectens in se exercitia quedam piissima, non modo Religiosis,
verum cunctis probè fidibus necessaria, quibus non solum

spiritus noster in seipsum colligi, verum etiam trahi,
rapi & transformari in Deum possit.

Exercitium ad pietatum & fidem pietatum cor Domini nostri Iesu Christi.

 D venerationem cordis pietissimi Domini nostri Iesu Christi amore ac
misericordia exuberantissimi studeas te ipsum excutare, ac sedula devo-
tione ipsum frequentare, illud osculando & mente introcundo. Per ip-
sum petenda petas, & exercitiatu offeras, quia charismatum omnium
est apotropa & ostium, per quod nos ad Deum, & ipse ad nos accedit.

Itaque figuram aliquam Dominicæ cordis aut quinque vulnerum,
aut cruentati Iesu, vulneribus a liuore sauci, ponas in loco aliquo,
quem sepius transire habeas, qua sepius exercitatus & amoris excitans
di in Deum admonearis. Hanc intuens memor sis exily, misereq; captiuitatis in peccatis. Pro-
inde gemebundis suspirijs desiderioq; seruens cor tuum erigas ad Deum, & mente dunta-
di, sine strepitu oris, aut etiam verbu (si hec te iuvant) ad illum clama: desiderans cor tuum
mundari, atque cum Christi corde, id est, cum diuino beneplacito, tuam voluntatem vñiri.

Posses etiam, virginete deuotione interna, figuram hanc, id est, cor Domini Iesu osculari,
& animo tuo persuadere, quasi verum Deicticum cor Domini Iesu sub labijs habens deoscula-
landum, in quod cor tuum imprimere gestas, atque spiritum tuum immergere absorberiq;
desideres, videarisq; tibi ex gratiose corde ipsius attrahere in cor tuum spiritum eius, gratiam
quoque eius & virtutes, ac prorsus quicquid fuerit ibi, quod mensura excedit salutare. Hu-
enim omnibus cor Iesu exuberantissime scaret.

Expedit

